



সিরাতে মুস্তাকীম

(লা-মাযহাবীদের খণ্ডন)

রচনায়

শাঈখুল হাদীস, উস্তায়ুল আসাতিয়া, অধ্যক্ষ
হযরত মাওলানা আবু বকর ছিদ্দিক

সম্পাদনায়

মাওলানা মুহাম্মদ আবদুল মান্নান

بِسْمِ اللَّهِ الرَّحْمَنِ الرَّحِيمِ

সিরাতে মুস্তাকীম (লা-মাযহাবীদের খণ্ডন)

রচনায়

শাহীখুল হাদীস, উস্তায়ুল আসাতিয়া, অধ্যক্ষ
হযরত মাওলানা আবু বকর হিদ্দিক

সম্পাদনায়

মাওলানা মুহাম্মদ আবদুল মান্নান

প্রকাশনায়

জাগরণ প্রকাশনী

১৫৫, আনজুমান মার্কেট, আন্দরকিস্তা, চট্টগ্রাম।

মোবাইল : ০১৮১৯৮৬৩৫৭৬

সিরাতে মুস্তাকীম

[লা-মাজহাবীদের খণ্ডন]

রচনায় : শাইখুল হাদীস, মুফাচ্ছিরে কুরআন, উস্তায়ুল আসাতিয়া, অধ্যক্ষ

হযরত মাওলানা আবু বকর ছিদ্দিক

অধ্যক্ষ, আড়াইসিধা কামিল (এম. এ) মাদ্রাসা, আশুগঞ্জ, বি.বাড়িয়া।

খতীব, শশীদল কেন্দ্রীয় জামে মসজিদ, বি.পাড়া, কুমিল্লা।

সাবেক উপাধ্যক্ষ, আড়াইবাড়ী আলিয়া মাদ্রাসা, কসবা, বি.বাড়িয়া।

সাবেক শাইখুল হাদীস, সৈয়দপুর আলিয়া মাদ্রাসা, দেবিদ্বার, কুমিল্লা।

সাবেক মুহাদ্দিস, বিশ্ব জাকের মঞ্জিল আলিয়া মাদ্রাসা, ফরিদপুর।

সাবেক প্রভাষক, বাগড়া সিনিয়র মাদ্রাসা, বি.পাড়া, কুমিল্লা।

ফোনঃ ০১৮১৮ ৪৯৯ ১৯৩

সম্পাদনায়ঃ মাওলানা মুহাম্মদ আবদুল মান্নান

চেয়ারম্যান, বাংলাদেশ ইসলামী ফ্রন্ট

বিশিষ্ট ইসলামী গবেষক ও অনুবাদক

স্বর্ভস্বত্ব সংরক্ষিত

প্রকাশকালঃ ১ রজব, ১৪৩৫ হিজরী

১৮ বৈশাখ, ১৪২১ বাংলা

১ মে, ২০১৪ ইংরেজী।

মূল্য : ৫০ (পঞ্চাশ) টাকা মাত্র

SIRATH-E MUSTAQEEM, (ANSWER TO THE LA-MAZHABIS) WRITEN BY PRINCIPAL MOULANA ABU BAKAR SIDDIQUIE, EDITED BY MOULANA MOHAMMAD ABDUL MANNAN, PUBLISHED BY...JAGORON PROKASONI. HADIYAH:TK. 50/- ONLY

উৎসর্গ

শাহেনশাহে ছিরিকোট হযরত আল্লামা সৈয়দ আহমদ শাহ
(রহমাতুল্লাহি আলাইহি)

আওলাদে রাসূল, মুর্শিদে বরহক সৈয়দ মুহাম্মদ তৈয়্যাব শাহ
(রহমাতুল্লাহি আলাইহি)

মাওলানা উবায়দুর রহমান
(রহমাতুল্লাহি আলাইহি)

পীরে কামেল মাওলানা সৈয়দ আবদুল মান্নান
(রহমাতুল্লাহি আলাইহি)

মাওলানা সিরাজুল ইসলাম
(রহমাতুল্লাহি আলাইহি)

সূচীপত্র


- লেখকের আরজ /০৫
অভিমত /০৬
মুখবন্ধ /০৭
তারাবীহ নামাজ বিশ রাকাত /১০
নামাজে সূরা ফাতিহার পর 'আ-মী-ন' নিম্নস্বরে বলা /২১
আযান ও ইকামাতের ফায়সালা বা সমাধান /২৬
ইমামের পেছনে 'সূরা- ফাতিহা' পড়ার মাস'আলা /২৯
'রফউল ইয়াদাঈন' বা নামাজে বারবার হাত উঠানো /৩৫
মাগরিবের আযানের পর দুই রাকাত নফল নামাজ /৪০
বিতির নামাজ তিন রাকাত /৪৩
নামাজের পর দো'আ /৪৮
সালাফী না খালাফী? /৫৬

লেখকের আরজ

মহান আল্লাহ পাকের সকল প্রশংসা, যিনি বনি আদম আলাইহিস সালামকে সকল মাখলুকের উপর শ্রেষ্ঠত্ব দান করেছেন এবং অগণিত প্রশংসা সেই মহান সন্তার যিনি তাঁর হাবীব, রহমতে আলম, নূরে মোজাচ্ছাম, নবিউল আখিয়া সাল্লাল্লাহু আলাইহি ওয়া সাল্লামকে আমাদের নবী হিসাবে প্রেরণ করেছেন। দূরুদ, ছালাত ও ছালাম সেই মহানবী সাল্লাল্লাহু আলাইহি ওয়া সাল্লাম এর উপর, যার ছারপ্রান্তে রোজ হাশরে সকলেই ছারস্থ হবে। বর্তমানে একশ্রেণীর লোক দেখা যায়, যারা সমাজে ফিৎনা সৃষ্টির লক্ষ্যে ধর্মে নতুন নতুন আজগুবি কথা বলে বেড়ায়; যেমন বিত্ব নামায় এক রাকাত, তারাবীহ নামায় আট রাকাত, নামাজের পর দোয়া নেই, আমীন জোরে বলতে হবে ইত্যাদি। এহেন ফিৎনার নিরসন বহু আগেই হয়ে গেছে। তা সত্ত্বেও তথাকথিত সালাফীরা মাযহাব বিরোধী নানা তৎপরতা নিয়ে ধর্মে নতুন নতুন নিয়ম পদ্ধতি প্রচারে লিপ্ত। এসব নতুন নতুন বিষয়ের কথা যখন পল্লীতে বসবাসরত কোন মুসলিম ভাই শুনে তখন মনে হয়, তারা আকাশ থেকে পড়েন। যে সকল মানুষ এ মতবাদ প্রচারে লিপ্ত তারা কথায় কথায় বোখারী শরীফের দলীল দেয় তাদের জ্ঞাতার্থে বলছি, বোখারী শরীফের ভূমিকা অধ্যায়ে এও উল্লেখ আছে যে, "আমি উক্ত কিতাবে নির্দিষ্ট কিছু হাদীস সঙ্কলন করলাম, এছাড়াও আরো অনেক সহীহ হাদীস রয়েছে।" দুঃখজনক হলেও সত্য যে, তথাকথিত সালাফীরা হাদীসের কিতাব মানার ক্ষেত্রে শুধু বোখারী শরীফকেই প্রাধান্য দেয়, এমন কি ইমাম বোখারী রহমাতুল্লাহি আলাইহি এর অন্যান্য হাদীসের কিতাবকেও তারা তেমন গুরুত্ব দেয় না। আমি আলোচ্য কিতাবে সমসাময়িক কিছু অতি প্রয়োজনীয় বিষয়বস্তু অন্তর্ভুক্ত করে সংক্ষিপ্তভাবে সুধী পাঠক মহলের কাছে পরিবেশন করলাম।

আমি শোকরিয়া আদায় করি যারা আমাকে সার্বিকভাবে সকল ক্ষেত্রে আনন্দরিকতার সাথে সহযোগিতা করেছেন।

আশাকরি পাঠকের হৃদয়ে সত্য ও সঠিক অবস্থা বোধগম্য হবে। মহান আল্লাহ পাক আমার সামান্য প্রচেষ্টাকে কবুল করুন আমীন, বিহরমাতি সাযিয়াদিল মুরসালীন।


(আবু বকর ছিদ্দিক)

সিরাতে মুস্তাকীম # ৬

আন্তর্জাতিক ব্যাতিসম্পন্ন ইসলামী চিন্তাবিদ, চ্যানেল আই ও মাই টিভির অনুষ্ঠান পরিচালক, আলোড়ন সৃষ্টিকারী ওয়ায়েজ, ঢাকা সুপ্রিমকোর্ট মাজার জামে মসজিদের বর্তীব, শাইখ মুহাম্মদ নূরুল ইসলাম ফারুকী সাহেব এর

অভিমত

আল্লাহর জন্যই সকল প্রশংসা, যিনি মুনাফিকদের সঠিক জওয়াব দেয়ার জন্য হক্কানী আলেমগণকে তাওফিক দিচ্ছেন। দুরূদ ও সালাম নবীপাক সাল্লাল্লাহু আলাইহি ওয়া সাল্লাম এর কদম মুবারকে, যার প্রতিনিধিত্ব করছেন হক্কানী রক্কানী ওলামা-ই কেলাম। ইয়াজীদ কর্তৃক ইসলামের যেমন ক্ষতি সাধিত হয়েছিল বর্তমানে ওহাবী, সালাফীদের দ্বারাও অনুরূপ ক্ষতি সাধিত হচ্ছে।

আমরা মিডিয়াতে জীবন বাজী রেখে আশ্রয় কাজ করছি। অপরদিকে উলামায়ে আহলে সুন্নাত মাঠে ময়দানে ওয়াজ নসীহত আশ্রয় দিচ্ছেন। প্রকাশনা জগতে আমাদের তৎপরতা প্রয়োজনের তুলনায় অপ্রতুল। এহেন অবস্থায় বন্ধুদের অধ্যক্ষ মাওলানা আবু বকর হিন্দিক সাহেবকে মুবারকবাদ জানাই; যিনি সমকালীন কতগুলো জরুরী বিষয় অন্তর্ভুক্ত করে 'সিরাতে মুস্তাকীম' তথা 'লা মাযহাবীদের খণ্ডন' নামে একটি প্রমাণ্য কিতাব রচনা করেছেন। সত্যি এই কিতাবের বড় প্রয়োজন আজকের সমাজে। তিনি কুরআন, সুন্নাহ ও ফিকহী দৃষ্টিকোণ থেকে সঠিক উত্তর প্রদান করেছেন।

আশাকরি সুধী পাঠক মহল অত্যন্ত লাভবান হবেন। আল্লাহ তা'আলা রাসূলে পাক সাল্লাল্লাহু আলাইহি ওয়া সাল্লাম এর উসিলায় কিতাবখানা কবুল করুন। আমীন।


(শাইখ মুহাম্মদ নূরুল ইসলাম ফারুকী)

মুখবন্ধ

বিসমিল্লাহির রাহমানির রাহিম

বিশ্বের মুসলমানদের মধ্যে যাদের পবিত্র কোরআন, সুন্নাহ তথা ইসলামের চার দশীল থেকে মাস-আলা-মানাইল বের করার যোগ্যতা রয়েছে তাঁরা হলেন 'মুজতাহিন'। আর যারা এই পর্যায়ের নন, তাঁরা হলেন 'মুকাত্তিদ'। সর্বোচ্চ পর্যায়ের মুজতাহিন থেকে আরম্ভ করে প্রত্যেক পর্যায়ের মুজতাহিনের জন্য যেমন তাঁদের যোগ্যতানুসারে ইজতিহাদ করা ওয়াজিব বা অপবিহার্য, তেমনি 'মুকাত্তিদ'দের উপরও কোন একজন মুজতাহিন তথা 'মাযহাবের ইমাম'-এর অনুসরণ (তাক্বলীদ) করাও ওয়াজিব। আল্লাহ্ তা'আলা এরশাদ করেন- 'ফাস্-আলু- আহলায্ যিক্‌রি ইন কুনতুম লা-আলাম্-ন।' (যদি তোমরা না জানো তা হলে 'আহলে যিক্‌র' তথা ইমামগণকে জিজ্ঞাসা করো।) সুতরাং ইসলামের প্রকৃত আদর্শ আহলে সুন্নাহ'-এর বিশেষ স্বীকৃত বিষয় হলো- 'ইজতিহাদ' ও 'তাক্বলীদ'। গোটা বিশ্বে আজ পর্যন্ত হানাফী, শাফে'ঈ, মালেকী ও হানবলী চারটি মাযহাবের অস্তিত্ব পাওয়া যায়। আর বিশ্ব মুসলিমও এর যে কোন একটি মাযহাবের অনুসারী হয়ে আসছেন। ইনশা-আল্লাহ্ কিয়ামত পর্যন্ত এ অনিন্দ্য সুন্দর ও ফলপ্রসূ নিয়ম অনুসৃত হতে থাকবে।

কিন্তু অতি দুঃখের বিষয় যে, ইতিহাসের এক ক্রান্তিকাল থেকে এক শ্রেণীর মুসলমান নামধারী লোক 'মাযহাবের অনুসরণ'-এর গুরুত্বকে 'তথু অর্থীকর করে জ্ঞানস্ব হয়নি, বরং তারা সর্বশ্রেষ্ঠ ও সর্বাধিক অনুসৃত মাযহাব হানাফী মাযহাব ও ইমাম-ই আ'যম আবু হানীফা রাঃিয়াল্লাহু তা'আলা আনহু'র বিবরণে নানা অপবাদ রচনা করে অপপ্রচারে লিপ্ত হয়ে আসছে, আর মুসলিম সমাজে আরেকটা গোমরাহীর সংযোজন ঘটচ্ছে। তারা 'লা-মাযহাবী', 'আহলে হানীস' ও 'সালাফী' ইত্যাদি নামে নিজেকে পরিচয় দিচ্ছে। তারা কখনো বলছে ইসলামে মাযহাবের অনুসরণের প্রয়োজন নেই; কখনো ইমাম বোখারী ও তাঁর সহীহ বোখারী শরীফের বিভিন্ন হাদীসের উদ্ধৃতি দিয়ে সরলপ্রাণ মুসলমানদের বিভ্রান্ত করছে, অথচ ইমাম বোখারী ছিলেন হয়তো নিজে একজন মুজতাহিন বিশেষ, নতুবা ইমাম শাফে'ঈর মুকাত্তিদ। বসাবাহলা, তারাবীহর নামাযের বাক'আত সংখ্যা, সূরা ফাতিহার পর আ-মী-ন বলার ধরন, আযান-ইক্বামতের শব্দাবলীর

সিরাতে মুত্তাকীম # ৮

সংখ্যা, ইমামের পেছনে সূরা ফাতিহা পাঠ করা, তাকবীর-ই তাহরীমাহ্ ব্যতীত অন্যান্য তাকবীরগুলোতে হাত উঠানো, মাগরিবের আযানের পর ও ফরয নামাযের পূর্বভাগে নফল পড়া, বিতর নামাযের রাক্'আত সংখ্যা ইত্যাদি বিষয়ে মাযহাবের সম্মানিত ইমামগণ নিজ সমাধান দিয়েছেন এবং প্রত্যেক মাযহাবের অনুসারীগণ নিজ নিজ ইমামের সমাধান অনুযায়ী আমল করে আসছেন। এটা শরীয়তেরও ফরযসালা। সুতরাং হানাফী মাযহাবের অনুসারীগণ (বিশ্বের অর্ধ সংখ্যক মুসলমান) ইমাম-ই আ'যমের সমাধান অনুসারে তারাবীহ্ নামায বিশ রাক্'আত পড়েন, সূরা ফাতিহার পর 'আ-মী-ন' নিম্নস্বরে বলেন, আযান ও ইক্বামত প্রচলিত নিয়মানুসারে দিয়ে থাকেন, নামাযে তাকবীর-ই তাহরীমাহ্ ছাড়া অন্য কোন তাকবীর-এ হাত উঠান না, মাগরিবের আযানের পর ফরয নামাযের পূর্বে নফল পড়েন না, বিতরের নামায তিন রাক্'আত পড়েন আর নামাযের পর হাত তুলে দো'আ-মুনাজাত করে থাকেন। অবশ্য অন্যান্য মাযহাবের ইমামগণ ভিন্নভাবে এ সবে সমাধান দিয়েছেন।

বলাবাহুল্য, প্রত্যেক ইমাম আপন আপন সমাধানের পক্ষে পবিত্র কোরআন-সুন্নাহ্ তথা ইসলামের মৌলিক দলীলাদির উদ্ধৃতিও দিয়েছেন। ফিক্‌হ্ শাস্ত্রের ইমামগণ প্রত্যেক ইমামের উপস্থাপিত দলীলাদি বিশ্লেষণও করেছেন। এতে দেখা গেছে যে, হানাফী মাযহাবের দলীলাদিই সর্বাধিক মজবুত ও গ্রহণযোগ্য। এজন্যই গোটা বিশ্বে আজ প্রতিষ্ঠিত সত্য যে, ইমাম আবু হানীফা রাহমাতুল্লাহি তা'আলা আলায়হি হলেন 'ইমাম-ই আ'যম, আর তাঁর প্রবর্তিত মাযহাবই শ্রেষ্ঠতম মাযহাব।

কিন্তু লা-মাযহাবী সম্প্রদায়টার আক্বীদা যেমন আহলে সুন্নাতের সম্পূর্ণ পরিপন্থী, তাই তারা গোমরাহ্ বা ড্রাস্ত, তেমনি তাদের প্রচারণাগুলোও বিভ্রান্তিকর। বিশেষতঃ আমাদের বাংলাদেশের আহলে হাদীস, লা-মাযহাবীদের বিভ্রান্তির ধরণ আজব প্রকৃতির। যেহেতু এদেশের প্রায়সব মুসলমান হানাফী মাযহাবের অনুসারী, সেহেতু তারা হানাফী মাযহাবে উপরিউক্ত বিষয়াদিতে প্রদত্ত সিদ্ধান্তগুলোর বিরোধিতা নানানা কৌশলের মাধ্যমে করে আসছে। তারা মূলতঃ বিরোধিতা করে সব মাযহাবেরই, কিন্তু হানাফী মাযহাবের বিরোধিতায় যেসব কথা বলে, সেগুলো অন্য মাযহাবগুলোর যে কোন একটির সাথে মিলে যায়; অথচ তারা তাদের বক্তব্যকে শাফে'ঈ, হাম্বলী, মালেকী, মাযহাবের অনুরূপ না বলে হানাফী মাযহাবের বিরুদ্ধে নানা অমূলক সমালোচনা ও অপপ্রচারে মেতে

সিরাতে মুস্তাকীম # ৯

উঠে। এটাও এক প্রকার জঘন্য খিয়ানত ও প্রতারণা বৈ-কিছুই নয়। সুতরাং এখন আহলে সুন্নাতে কর্তব্য হচ্ছে- এসব লা-মাযহাবীর স্বরূপ উন্মোচন করা, তাদের গোমলাহীকে চিহ্নিত করা এবং হানাফী মাযহাবের শ্রেষ্ঠত্ব ও অধিকতর গ্রহণযোগ্যতাকে প্রমাণ করা।

অতি সুখের বিষয় যে, আমাদের হানাফী সুন্নী ওলামা-মাশাইখ তাদের খেলনী, বক্তব্য ও আমলের মাধ্যমে এ কর্তব্য সুচারুরূপে সাহসিকতার সাথে পালন করে আসছেন। অতি সাম্প্রতিককালে বিজ্ঞ সুন্নী হানাফী আলিম-ই ঘীন, শায়খুল হাদীস, মুফাসসির-ই কোরআন, উস্তাযুল আসাতিয়াহ হযরতুল আত্তামা অধ্যক্ষ আবু বকর সিদ্দীক 'সিরাতে মুস্তাকীম' শিরোনামে একটি পুস্তিকা প্রণয়ন করেছেন। তাতে তিনি নয়টি এমন অতিগুরুত্বপূর্ণ বিষয়ের উপর প্রামাণ্যভাবে আলোকপাত করার প্রয়াস পেয়েছেন সেগুলো নিয়েই প্রায়শ লা-মাযহাবীরা বিতর্কে লিপ্ত হবার অপপ্রয়াস চালায়। তিনি এসব বিষয়ে তাঁর জ্ঞানগত দক্ষতা প্রমাণ করেছেন, অন্যদিকে ওইসব বিষয়ে আহলে হাদীস-নামধারী লা-মাযহাবী সালাফী সম্প্রদায়ের উত্থাপিত খোঁড়া যুক্তি-প্রমাণগুলোর দাঁতভাঙ্গা জবাব দিয়ে হানাফী মাযহাবের শ্রেষ্ঠত্ব প্রমাণ করেছেন। আমি পুস্তিকাটার আদ্যোপান্ত দেখেছি। ভাষাগত ও বিন্যাসগত সৌন্দর্য বৃদ্ধিতে প্রয়োজনীয় সহযোগিতা করেছি।

পরিশেষে, পুস্তিকাটা যে অত্যন্ত সময়োপযোগী ও মুসলিম সমাজের জন্য অতি প্রয়োজনীয়, তাতে সন্দেহের অবকাশ নেই। আমি সম্মানিত লেখক, প্রকাশক ও সহযোগীদেরকে এহেন প্রয়োজনীয় পদক্ষেপের জন্য ধন্যবাদ জানাচ্ছি এবং পুস্তিকাটার বহুল প্রচার কামনা করছি।

(মাওলানা) মুহাম্মদ আবদুল মান্নান,
চট্টগ্রাম।

তারাবীহ নামাজ বিশ রাকাত

পাঠক ভাইয়েরা! বর্তমানে ইসলামের নতুন কিছু ধারা নিয়ে বের হয়েছে নব্য ছালাফী জামাত, তারা যে সমস্ত বিষয় নিয়ে বিভ্রান্তি ছড়াচ্ছে, তন্মধ্যে অন্যতম হলো তারাবীহ নামাজ। কুরআন-সুন্নাহর সুষ্ঠু ফায়সালা হচ্ছে সালাতুত তারাবীহ বিশ রাকাত। তা সত্ত্বেও আহলে হাদীস, লা মায়হাবী ও তথাকথিত সালাফী নামধারী গোষ্ঠীর লোকজন বলে বেড়ায় তারাবীহ নামাজ নাকি আট রাকাত। তাদের এহেন কথার উত্তর সংক্ষিপ্তভাবে তুলে ধরার চেষ্টা করছি।

তারাবীহ নামাজ বিশ রাকাত সংক্রান্ত দলীলসমূহ

১. হযরত ওমর রাদিয়াল্লাহু তাআলা আনহুর আমলে তিনি এ প্রসঙ্গে মস্আব্য করেছেন নি'মাতিল বিদ্'আতু হাযিহী অর্থাৎ এটা অতি উত্তম নব আবিষ্কৃত নিয়ম। তৎকালে জামাতের সহিত ২০ রাকাত নামাজের নিয়ম পদ্ধতি চালু হয়, এর উপর ছাহাবায়ে কেলামগণের এজমা (ঐকমত্য) হয়েছে। ইমাম মালেক রহমাতুল্লাহি আলাইহি তাঁর 'মোয়াত্তা' নামক কিতাবে, হযরত ছায়েব বিন ইয়াজিদ রাদিয়াল্লাহু তাআলা আনহু থেকে বর্ণনা করেনঃ

قَالَ كَمَا نَقُومُ فِي عَهْدِ عُمَرَ رَضِيَ اللَّهُ تَعَالَى عَنْهُ بَعِثَرَيْنِ رَكْعَةً (رواه

البیهقی باسناد صحیح).

অর্থঃ আমরা হযরত ওমর রাদিয়াল্লাহু তাআলা আনহু এর যুগে ২০ রাকাত তারাবীহ নামাজ পড়তাম। (ইমাম বায়হাকী ছহীহ সনদে উক্ত বর্ণনা উল্লেখ করেছেন)।

২. ইবনে সুন্নী রহমাতুল্লাহি আলাইহি হযরত উবাই ইবনে কা'আব রাদিয়াল্লাহু তাআলা আনহু থেকে বর্ণনা করেন যে, হযরত ওমর রাদিয়াল্লাহু তাআলা আনহু ২০ রাকাত নামাজের ইমামতি করেছেন।

৩. বায়হাকী শরীফে উল্লেখ আছেঃ

عَنْ أَبِي الْحَسَنَاتِ أَنَّ عَلِيَّ بْنَ أَبِي طَالِبٍ رَضِيَ اللَّهُ تَعَالَى عَنْهُ أَمَرَ رَجُلًا
يُصَلِّي بِالنَّاسِ خَمْسَ تَرَوِيحَاتٍ عِشْرِينَ رَكْعَةً.

অর্থঃ হযরত আবুল হাছনাত রাদিয়াল্লাহু তাআলা আনহু থেকে বর্ণিত, হযরত আলী ইবনে আবু তালেব রাদিয়াল্লাহু তাআলা আনহু এক ব্যক্তিকে নির্দেশ দেন যেন তারাবীহ নামাজ ৫ 'তারবিয়াহ' সহকারে তথা (৪ x ৫) ২০ রাকাত আদায় করে।

৪. ইবনে আবি শায়বা রাদিয়াল্লাহু তাআলা আনহু, ইমাম তাবরানী ও ইমাম বায়হাকী, ইমাম বগতী থেকে বর্ণনা করেনঃ

عَنْ ابْنِ عَبَّاسٍ رَضِيَ اللَّهُ تَعَالَى عَنْهُ أَنَّ النَّبِيَّ صَلَّى اللَّهُ تَعَالَى عَلَيْهِ وَ سَلَّمَ
كَانَ يُصَلِّي فِي رَمَضَانَ عِشْرِينَ رَكْعَةً.

অর্থঃ আবদুল্লাহ বিন আব্বাস রাদিয়াল্লাহু তাআলা আনহু থেকে বর্ণিত তিনি বলেন, নবী করীম সাল্লাল্লাহু আলাইহি ওয়া সাল্লাম মাহে রমজানে ২০ রাকাত তারাবীহ নামাজ পড়তেন।

৫. বায়হাকী শরীফে আরো উল্লেখ আছেঃ

عَنْ أَبِي عَبْدِ الرَّحْمَانَ السَّلْمِيِّ أَنَّ عَلِيًّا رَضِيَ اللَّهُ تَعَالَى عَنْهُ رَأَى الْقُرَّاءَ
فِي رَمَضَانَ فَأَمَرَ رَجُلًا يُصَلِّي النَّاسَ عِشْرِينَ رَكْعَةً وَ كَانَ عَلِيٌّ يُؤْتِرُ بِهِمْ.

অর্থঃ হযরত আবু আবদুর রহমান ছালামী থেকে বর্ণিত, হযরত আলী রাদিয়াল্লাহু তাআলা আনহু রমজান মাসে কারী (তারাবীহ নামাযের ইমামগণের প্রতি নজর রাখতেন এবং এক ব্যক্তিকে ২০ রাকাত পড়ানোর নির্দেশ দেন এবং হযরত আলী রাদিয়াল্লাহু তাআলা আনহু তাদের সাথে বিত্বের নামাজ আদায় করতেন।

৬. জামে' তিরমিযী শরীফে 'সওম অধ্যায়ে' হাদীস উল্লেখ করার পর ইমাম তিরমিযী রহমাতুল্লাহি আলাইহি বলেনঃ

أَكْثَرُ أَهْلِ الْعِلْمِ عَلَى مَا عَلَيْهِ عَلِيٌّ رَضِيَ اللَّهُ تَعَالَى عَنْهُ وَ عُمَرُ رَضِيَ اللَّهُ تَعَالَى عَنْهُ وَ غَيْرُهُمَا مِنْ أَصْحَابِ النَّبِيِّ صَلَّى اللَّهُ تَعَالَى عَلَيْهِ وَ سَلَّمَ عِشْرِينَ رَكْعَةً. وَ هُوَ قَوْلُ سُفْيَانَ الثَّوْرِيِّ وَ ابْنِ الْمُبَارَكِ. وَ قَالَ الشَّافِعِيُّ أَدْرَكْتُ بَلَدَ مَكَّةَ يُصَلُّونَ عِشْرِينَ رَكْعَةً.

অর্থঃ আহলে এলেমগণ সকলে হযরত আলী রাদিয়াল্লাহু তাআলা আনহু ও হযরত ওমর রাদিয়াল্লাহু তাআলা আনহু যে বর্ণনা করেন, সে মতে একমত পোষণ করেন, যা অন্যান্য সাহাবায়ে কেবামের আমল ছিল যে, তাঁরা তারাযীহ ২০ রাকাত আদায় করতেন। উক্ত মতে হযরত ছুফিয়ান ছাওরী রহমাতুল্লাহি আলাইহি ও ইবনে মোবারক রহমাতুল্লাহি আলাইহি ঐকমত্য পোষণ করেন। ইমাম শাফেয়ী রহমাতুল্লাহি আলাইহি বলেন, আমি মক্কায় ২০ রাকাত তারাযীহ নামাজ পড়তে দেখেছি।

৭. ফাতহুল মুলহিম শরহে মুছলিম, ২য় খন্ড, ২৯১ পৃষ্ঠায় উল্লেখ আছেঃ

رَوَى مُحَمَّدُ بْنُ نَصْرِ بْنِ طَرِيقٍ عَطَاءٍ قَالَ أَدْرَكْتُهُمْ يُصَلُّونَ عِشْرِينَ رَكْعَةً وَ ثَلَاثَ رَكْعَاتِ الْوَيْثِرِ.

অর্থঃ মুহাম্মাদ বিন নছর রহমাতুল্লাহি আলাইহি হযরত আতা রহমাতুল্লাহি আলাইহি এর সনদে বর্ণনা করেন যে, আমি ছাহাবায়ে কেবামকে ২০ রাকাত তারাযীহ নামাজ এবং বিতিরের নামাজ ৩ রাকাত পড়তে দেখতে পেয়েছি।

৮. উমদাতু কারী শরহে বোখারী, ৫ম খণ্ড, ৩০৭ পৃষ্ঠায় উল্লেখ আছেঃ

وَرَوَى الْحَارِثُ بْنُ عَبْدِ الرَّحْمَانَ بْنِ أَبِي رَبَابٍ عَنْ سَانِبِ بْنِ يَزِيدَ قَالَ
كَانَ الْقِيَامُ عَلَى عَهْدِ عُمَرَ رَضِيَ اللَّهُ تَعَالَى عَنْهُ ثَلَاثَ وَ عِشْرِينَ رَكْعَةً.
قَالَ عَبْدُ اللَّهِ هَذَا مَحْمُولٌ عَلَى أَنَّ الْوِثْرَ الثَّلَاثُ.

অর্থঃ হযরত হারেছ বিন আবদুর রহমান বিন আবু রুবাব রহমাতুল্লাহি আলাইহি, হযরত ছায়েব বিন ইয়াজিদ রহমাতুল্লাহি আলাইহি থেকে বর্ণনা করেন যে, তিনি বলেন হযরত ওমর রাদিয়াল্লাহু তাআলা আনহু এর জামানায় ২৩ রাকাত নামাজ মাহে রমজানে পড়া হতো। হযরত আবদুল্লাহ বলেন, তন্মধ্যে ৩ রাকাত বিতিরের নামাজ ছিল।

৯. উমদাতুল কারী গ্রন্থে আরো উল্লেখ আছেঃ

كَانَ عَبْدُ اللَّهِ بْنُ مَسْعُودٍ رَضِيَ اللَّهُ تَعَالَى عَنْهُ يُصَلِّي بِنَا فِي شَهْرِ رَمَضَانَ.
قَالَ الْأَعْمَشُ كَانَ يُصَلِّي عِشْرِينَ رَكْعَةً.

অর্থঃ হযরত আবদুল্লাহ বিন মাসুউদ রাদিয়াল্লাহু তাআলা আনহু আমাদেরকে নামাজ পড়াতেন মাহে রমজানে, হযরত আ'মশ রহমাতুল্লাহি আলাইহি বলেন, তিনি ২০ রাকাত নামাজ পড়াতেন।

১০. উমদাতুল কারী, ৫ম খণ্ড, ৩৫৫ পৃষ্ঠায় উল্লেখ আছেঃ

قَالَ ابْنُ عَبْدِ الْبَرِّ وَ هُوَ قَوْلُ جَمْهُورِ الصَّحَابَةِ وَ الْعُلَمَاءِ وَ بِهِ قَالَ
الْكُوفِيُّونَ وَ الشَّافِعِيُّ وَ أَكْثَرُ الْفُقَهَاءِ وَ هُوَ الصَّحِيحُ مِنْ كُفْبِ مَنْ غَيْرِ
خِلَافٍ مِنَ الصَّحَابَةِ.

অর্থঃ ইবনে আবদুল বার রহমাতুল্লাহি আলাইহি বলেন, তাঁরাবীহ নামাজ ২০ রাকাত এটাই জমহুর ছাহাবায়ে কেলাম ও উলামায়ে কেলামের মত। এমনই বলেছেন আহলে কুফা ও ইমাম শাফেয়ী রহমাতুল্লাহি

আলাইহি এবং অধিকাংশ ফোকাহায়ে কেলাম। এটাই হযরত ওবাই বিন কাআব রাদিয়াল্লাহু আনহু থেকে ছহীহ বর্ণনা, এতে সাহাবায়ে কেলামের কারো দ্বিমত ছিল না।

১১. মোল্লা আলী কারী রহমাতুল্লাহি আলাইহি শরহে নেকায়ায় বলেনঃ

فَصَارَ اجْمَعًا لِمَا رَوَى التَّبَهَقِيُّ بِاسْتِنَادٍ صَحِيحٍ أَنَّهُمْ كَانُوا يُصَلُّونَ عَلَى
عَهْدِ عُمَرَ رَضِيَ اللَّهُ تَعَالَى عَنْهُ عِشْرِينَ رَكْعَةً وَ عَلَى عَهْدِ عُثْمَانَ رَضِيَ
اللَّهُ تَعَالَى عَنْهُ وَ عَلَى رَضِيَ اللَّهُ تَعَالَى عَنْهُ.

অর্থঃ উক্ত মাছআলার উপর এজমা' (একমত) প্রতিষ্ঠিত হয়েছে যে, তারা বীহ নামাজ ২০ রাকাত। কেননা ইমাম বাইহাকী ছহীহ সনদে বর্ণনা করেন যে, সাহাবায়ে কেলাম হযরত ওমর রাদিয়াল্লাহু তাআলা আনহু এর জমানায় ২০ রাকাত তারা বীহ পড়তেন এবং হযরত উসমান রাদিয়াল্লাহু তাআলা আনহু ও হযরত আলী রাদিয়াল্লাহু তাআলা আনহু এর যুগেও ২০ রাকাত তারা বীহ পড়া হতো।

১২. আল্লামা আবদুল হাই লঙ্কৌভী সাহেব তার 'মাজমুআয়ে ফাতাওয়া' গ্রন্থে, ১ম খণ্ড, ১৮২ পৃষ্ঠায় উল্লেখ করেন যে, আল্লামা ইবনে হাজার মক্কী হাইতামী রহমাতুল্লাহি আলাইহি এর বর্ণনায় দেখা যায়ঃ

اجْمَاعُ الصَّحَابَةِ عَلَى أَنَّ التَّرَاوِيحَ عِشْرُونَ رَكْعَةً.

অর্থঃ সাহাবায়ে কেলামগণ ২০ রাকাত তারা বীহ নামাজের বিষয়ে একমত হয়েছেন।

বর্ণিত প্রমাণাদি দ্বারা এটা স্পষ্ট যে, তারা বীহ নামাজ ২০ রাকাত, তাতে বিন্দু মাত্র সন্দেহ নাই। যারা নব্য সালাফী জামাত হিসাবে আবির্ভূত হয়ে ৮ রাকাত তারা বীহ পড়েন এটা তাদের ইচ্ছামতই পড়ছেন। কোথাও ৮ রাকাতের কথা নাই। তারা সমাজে কেতনা সৃষ্টি ছাড়া আর কিছুই করতে

পারবে না। সকল ইমামের সেরা ইমাম হযরত আবু হানীফা রহমাতুল্লাহি আলাইহি 'তাবেয়ী' ছিলেন; সকল ইমাম তাঁর পরিবার (অনুগামী) বলে নিজেকে ধন্য মনে করতেন; তিনিও ২০ রাকাতের পক্ষে মত দিয়েছেন।

যারা তারাযীহ নামাজ আট রাকাত মনে করেন, তাদেরকে যদি প্রশ্ন করি যে, বোখারী শরীফে দু-চারটা হাদীস নিয়ে পাগল হয়ে গেলেন; ঐ হাদীসগুলো কি ইমাম আবু হানীফা রহমাতুল্লাহি আলাইহি ও অন্যান্য ইমামগণ তাঁরা জানতেন না? তিনি কি আট রাকাতের হাদীসখানি দেখেননি? তাঁরা দু-চারটা নয় বরং শতশত হাদীসের সমন্বয়ে একটি মাছআলা বের করতেন, যা ছিল নির্ভুল। কাজেই যারা দু-একটি হাদীস নিয়েই বলেন যে, পেয়েছি, পেয়েছি; তারা মূলত জাহেল ও অজ্ঞ। বস্তুতঃ আট রাকাতের বর্ণনা সম্বলিত হাদীস ব্যাখ্যার অবকাশ রাখে। ব্যাখ্যাটাও এখানে প্রদান করা হলো।

আট রাকাত তারাযীহ এর পক্ষে উপস্থাপিত হাদীসটির সঠিক ব্যাখ্যা

মিশকাত শরীফে কিয়ামে 'রমজান অধ্যায়ে' এবং 'মোয়াত্তা এ মালেক' এ উল্লেখ আছে হযরত ওমর রাদিয়াল্লাহু তাআলা আনহু উবাই ইবনে কাআব এবং তামিম দারী রাদিয়াল্লাহু তাআলা আনহু কে হুকুম প্রদান করেন যেন মানুষ এগার রাকাত নামাজ পড়ে। আট রাকাত তারাযীহ এবং ৩ রাকাত বিতির।

হাদীসটির ব্যাখ্যাঃ

১. উক্ত হাদীসটি মুদ্বতারাব (দ্বিধাযুক্ত), অনুরূপ হাদীস দিয়ে দলীল দেয়া বৈধ নয়। কেননা এই হাদীসের রাবী 'মুহাম্মাদ বিন ইউছুফ' মুয়াত্তায় এগার রাকাতের বর্ণনা করেন এবং মুহাম্মাদ বিন নছর মারুজী রহমাতুল্লাহি আলাইহি এই 'মুহাম্মাদ বিন ইউছুফ' হতে মুহাম্মাদ বিন ইসহাকের সনদে ১৩ রাকাতের বর্ণনা দেখা যায়। মুহাদ্দিস আবদুর রাজ্জাকও এই 'মুহাম্মাদ বিন ইউছুফ' থেকে অন্য সনদে ২১ রাকাতের বর্ণনা করেন। ফতহুল বারী

শরহে বোখারীতে বিস্তারিত আছে। একই রাবীর বর্ণনায় ৮, ১১, ১৩ ও ২১ রাকাতের মতভেদ দেখা যায়; একে এজতেরাব (সংশয়যুক্ত) বলা হয়। অনুরূপ বর্ণকারীর হাদীস দলীল হিসেবে গ্রহণযোগ্য নয়।

২. যারা এ হাদীস দ্বারা তারাভীহ আট রাকাত সাবেত করার চেষ্টা করেন; তারা ই উক্ত হাদীসের শেষাংশ স্বীকার করেন না, যাতে বলা হয়েছে বিতির ৩ রাকাত, অথচ তারা বিতির এক রাকাত পড়েন। তা হলে তো তারাভীহ হবে তাদের মতে (১১-১) ১০ রাকাত, তারা কিভাবে ৮ রাকাত ছাবেত করেন? অন্য দিকে ছহীহ হাদীস দ্বারাও বিতির ৩ রাকাত স্বীকৃত। তারা হাদীসের একাংশের পক্ষে এবং অন্য অংশের বিপক্ষে। তাই বর্ণিত হাদীস দিয়ে তাদের দলীল দেয়া মারাত্মক ভুল বলে প্রতীয়মান হয়।

তাই বিশ রাকাত আমল করলে নবী করীম সাল্লাল্লাহু আলাইহি ওয়া সাল্লাম এর সুন্নাত ও হযরত ওমর রাদিয়াল্লাহু তাআলা আনহু এর সুন্নাতসহ আমলে আনা যায়। তা কতই উত্তম! কেননা হারাম শরীফেও ২০ রাকাত তারাভীহ পড়া হয়। যারা আট রাকাত বলে বেড়ান তারা ফেৎনা সৃষ্টিকারী। তাদের থেকে অনেক অনেক দূরে থাকুন।

৩. বোখারী শরীফে আছে, আবু ছালমা রাদিয়াল্লাহু আনহু হযরত আয়েশা ছিদ্দিকা রাদিয়াল্লাহু তাআলা আনহা কে প্রশ্ন করে ছিলেন যে নবী করীম সাল্লাল্লাহু আলাইহি ওয়া সাল্লাম মাহে রমজানে কত রাকাত নামাজ পড়তেন, তিনি উত্তরে বলেনঃ

مَا كَانَ رَسُولُ اللَّهِ صَلَّى اللَّهُ تَعَالَى عَلَيْهِ يَزِيدُ رَمَضَانَ وَ فِي غَيْرِهِ إِحْدَى عَشْرَ رَكَعَاتٍ.

অর্থঃ নবী করীম সাল্লাল্লাহু আলাইহি ওয়া সাল্লাম মাহে রমজানে এবং তার বাইরে ১১ রাকাতের অধিক পড়তেন না।

এই হাদীসটি বোখারী শরীফে 'তাহাজ্জুদ অধ্যায়ে' উল্লেখ আছে। বুঝা গেল তাহাজ্জুদ নামাজ ৮ রাকাত ও বিতির ৩ রাকাত। এই বর্ণনায়

সিরাতে মুত্তাকীম # ১৭

নামাজের দ্বারা তাহাজ্জুদ নামাজ বুঝানো হয়েছে। তারাবীহ নয়, কেননা হযরত আয়েশা রাদিয়াল্লাহু তাআলা আনহা বর্ণনা করেন, রমযানে ও অন্য সময়ে (রমযানের বাইরে) আট রাকাত হতে বেশী নামাজ পড়তেন না, এর দ্বারা ইহাই প্রমাণিত হয় যে তা সর্বদা পড়তেন, এটি তারাবীহ নয়; বরং আট রাকাত তাহাজ্জুদ।

তিরমিযী শরীফে একে ছালাতুল লাইল বা রাতের নামাজ বলা হয়েছে, তারাবীহ নয়। আট রাকাত তাদের মন গড়া আমল।

তিরমিযী শরীফের বর্ণনা মতে দেখা যায়, মক্কাবাসীগণ তারাবীহ ২০ রাকাতের উপর একমত হন। মদীনাবাসীগণ মোট ৪১ রাকাত পড়ে থাকেন। মক্কা মদীনায় কেহ আট রাকাত পড়েন না।

তাহলে মক্কা ও মদীনাবাসীগণ কি বিদআতী ও ফাসেক? (নাউযু বিল্লাহ); সাহাবাগণ কী বিদআতী ছিলেন? (নাউযু বিল্লাহ)। তাই অল্প বিদ্যা নিয়ে সবকিছুকে বিদআত বিদআত, শিরক শিরক ইত্যাদি বলা থেকে নিজের জবানকে হেফাজত করুন।

বর্ণিত দালায়েল ও জবাব দ্বারা ইহাই প্রতীয়মান হলো যে, তারাবীহ নামাজ ২০ রাকাত। আট রাকাত তারাবীহ নবী করীম সাল্লাল্লাহু আলাইহি ওয়া সাল্লাম পড়েন নাই; কোন সাহাবী, তাবেয়ী ও কোন ইমামগণ পড়েন নাই। মাযহাবে হানাফী ও চার মাযহাবের ইমামগণের মত অনুযায়ী তারাবীহ ২০ রাকাত।

সুন্নাতে হাসানাহ (নতুন পদ্ধতি) এর স্বীকৃতি ও ফযীলত
হাদীস শরীফে আছেঃ

مَنْ سَنَّ سُنَّةً حَسَنَةً فَلَهُ أَجْرُهَا وَ أَجْرُ مَا عَمِلَ بِهَا.

সিরাতে মুস্তাকীম # ১৮

অর্থঃ যে কোন উত্তম প্রথা প্রবর্তন করলো, সে তার সওয়াব (বিনিময়) পাবে এবং তাতে যারা যত আমল করবে তার সওয়াব (বিনিময়)ও পাবে। (বোখারী ও মুসলিম)।

২০ রাকআত তারাবীহ নামাজ সুন্নাতে হাসানাহঃ

১. ২০ রাকআত তারাবীহ নামাজ সুন্নাতে খোলাফায়ে রাশেদীন।
২. ২০ রাকআত তারাবীহ নামাজ সুন্নাতে আহলে বাইত।
৩. ২০ রাকআত তারাবীহ নামাজ সুন্নাতে আশারায়ে মুবাশ্শারাহ।
৪. ২০ রাকআত তারাবীহ নামাজ সুন্নাতে উম্মাহাতুল মুমিনীন।
৫. ২০ রাকআত তারাবীহ নামাজ সুন্নাতে আনসার ও মুহাজ্জিরীন।
৬. ২০ রাকআত তারাবীহ নামাজ সুন্নাতে সাহাবায়ে কিরাম আজমাঈন।
৭. ২০ রাকআত তারাবীহ নামাজ সুন্নাতে তাবিয়ীন।
৮. ২০ রাকআত তারাবীহ নামাজ সুন্নাতে তাবে-তাবিয়ীন।
৯. ২০ রাকআত তারাবীহ নামাজ সুন্নাতে সালফে সালিহীন।
১০. ২০ রাকআত তারাবীহ নামাজ সুন্নাতে আইম্মায়ে মুজতাহিদীন।
১১. ২০ রাকআত তারাবীহ নামাজ সুন্নাতে খায়রুল কুরূন।
১২. ২০ রাকআত তারাবীহ নামাজ সুন্নাতে মুতাকাদ্দিমীন।
১৩. ২০ রাকআত তারাবীহ নামাজ সুন্নাতে মুতাআখখিরীন।
১৪. ২০ রাকআত তারাবীহ নামাজ সুন্নাতে উম্মাতে মুসলিমীন।
১৫. ২০ রাকআত তারাবীহ নামাজ সুন্নাতে হাসানাহ (লিদ্ধীন)।

এসবের যে কোন একটিই দলীল হিসেবে যথেষ্ট। যারা এর বাইরে কিছু বলতে চান, তারা মূলত উপরোক্ত আয়াতসমূহ ও হাদীসসমূহ অস্বীকার করেন এবং নিজেদেরকে এঁদের চেয়ে শরীয়াহ বিষয়ে বিজ্ঞ আলেম, বেশী সুন্নাতপন্থী ও বড় পরহেযগার মনে করেন।

সুতরাং

(১) যারা সুন্নাতে হাসানাহ গ্রহণ করেন,

সিরাতে মুস্তাকীম # ১৯

- (২) যারা সুন্নাতে কাযিমাহ অনুসরণ করেন,
 - (৩) যারা খায়রুল কুরুনকে অনুসরণীয় মানেন,
 - (৪) যারা আইম্মায়ে মুজতাহিদীনের ফিকাহ অনুকরণ করেন,
 - (৫) যারা সালফে সালিহীনের পথে চলেন,
 - (৬) যারা তাবেয়ীন ও তাবে-তাবেয়ীনদের অনুকরণীয় মনে করেন,
 - (৭) যারা সাহাবায়ে কিরামকে (দ্বীন, ঈমান ও আমলের ক্ষেত্রে) সত্যের মানদণ্ড মনে করেন,
 - (৮) যারা আশারায়ে মুবাশ্শারাহর শান জানেন,
 - (৯) যারা আহলে বাইতকে ভালোবাসেন,
 - (১০) যারা খোলাফায়ে রাশেদীনকে শ্রদ্ধা করেন
- তারাি ২০ রাকআত তারািহ পড়ে সুন্নাতে হাসানাহ সম্পন্ন করেন।

আশা করি, উপরোক্ত দলীলাদীর মাধ্যমে অযথা এবং আয়েশী বিতর্কের অবসান ঘটবে, ইন শা-আল্লাহ।

(ক) মহান খলীফাগণ, (খ) সাহাবায়ে কিরাম, (গ) খায়রুল কুরূনের শ্রেষ্ঠ প্রজন্ম, (ঘ) আইম্মায়ে মুজতাহিদীন ও (ঙ) সালফে সালেহীনের আমলকৃত এ অবিসংবাদিত সুন্নাত, ২০ রাকআত তারািহ নামাজ অতীতের মত বর্তমানেও মক্কা শরীফ ও মদীনা শরীফের পবিত্র মাসজিদগুলোতে (হারামাইন-শরীফাইনে) যথাযোগ্য মর্যাদায় পালিত হয়ে আসছে। এ বিষয়ে মুসলিম উম্মাহর মধ্যে কোন দ্বিমত নেই।

তারািহ নামাজ তাহাজ্জুদ নয়। এটি পবিত্র রমযান মাসের বিশেষ নামাজ। ইসলামের প্রথম যামানা থেকেই ২০ রাকআত তারািহ চলে এসেছে। এটা সমস্ত সাহাবায়ে কেরাম, তাবেয়ী, তাবে-তাবেয়ীগণের অনুসৃত সুন্নাত। দুনিয়ার সকল মুজতাহিদ ইমাম, আলেম, পীর-মাশায়েখ ও উম্মাতে মুসলিমাহ দেড় হাজার বছর যাবত এভাবেই আমল করে এসেছেন। এ ব্যাপারে নতুন বিতর্কের কোন অবকাশ নেই।

সিরাতে মুস্তাকীম # ২০

এতে দ্বিমত পোষণ করলে হয়তো 'সাহাবায়ে কিরামকে বিদআতী' বলতে হবে (নাউযু বিল্লাহ!); '৮ রাকআত ওয়ালা বিদআতী' বলতে হবে। আপনি কি বলবেন?

আট রাকআত পড়ে চলে গেলে কি কি সমস্যা হয়?

১. পুরো কিয়ামুল লাইলের সওয়াব থেকে মাহরুম (বঞ্চিত) হয়।
২. খোলাফায়ে রাশেদীনসহ সাহাবায়ে কিরামকে অবমাননা ও অসম্মান করা হয়।
৩. ইমামের আনুগত্যে শিথিলতা প্রকাশ পায়।
৪. মসজিদের শৃঙ্খলা ভঙ্গ হয়, বিশৃঙ্খলা সৃষ্টি হয়।
৫. নামাযের কাতারে অসুবিধা হয়।
৬. অন্যান্য মুসল্লীদের ইবাদাতে বিঘ্ন হয়।
৭. যারা ২০ রাকআত পড়েন তাদের সাথে ভুল বুঝাবুঝি সৃষ্টি হয়।
৮. উম্মাতের ঐক্য বিনষ্ট হয়।

শেষ কথা হলোঃ তারাবীহ নামায ২০ রাকআত সুন্নাতে মুআক্কাদাহ;
'তারাবীহ নামায ৮ রাকআত' বলা ক্ষতিকর বিদআত।

তাই আসুন, আমরা সকল প্রকার দ্বিধা সংশয় মুক্ত হয়ে, শরীয়তের স্বতঃসিদ্ধ পদ্ধতি (সুন্নাতে কায়েমাহ) সাহাবায়ে কেলামের মতই সবসময় পালন করি। আল্লাহ সুবহানাহ তাআলা আমাদের সকলকে সিরাতে মুস্তাকীমের উপর কায়েম রাখুন, আমীন!

নামাজে সূরা ফাতিহার পর 'আ-মী-ন' নিম্নস্বরে বলা

বর্তমানে নব্য সালাফী জামাত কর্তৃক সৃষ্ট আরেকটি সমস্যা হলো নামাজে ইমামের পেছনে সূরা ফাতিহার পর 'আমীন' উচ্চ আওয়াজে বলা। তারা জোরে (উচ্চ স্বরে) 'আমীন' বলার প্রথা চালু করতে সমাজে মরিয়া হয়ে উঠেছে; অথচ হাজার বছর পূর্বে এই সকল মাছআলার সমাধান হয়েছে। নতুন করে বলার ও প্রচারের কোন প্রয়োজন নেই। ইমাম শাফেয়ী রহমাতুল্লাহি আলাইহি জোরে 'আমীন' বলার পক্ষে। নব্য সালাফীরা মাযহাব স্বীকার করেন না; অথচ তাদের কার্যকলাপ বিশেষ মাজহাবের আমলের অনুরূপ। মাযহাব বলতে তাদের লজ্জা বোধ হয়, বর্তমানে তারা সালাফী নামে ঘুরে বেড়ান।

'আমীন' নিম্নস্বরে (নিরবে) বলার পক্ষের দলিলসমূহ

১. হযরত ইমাম আবু হানীফা রহমাতুল্লাহি আলাইহি 'আমীন' নিরবে বলার পক্ষে ছিলেন। সে মর্মে আল্লামা বদরুদ্দীন আইনী রহমাতুল্লাহি আলাইহি বলেন, হানাফীগণ দলিল রূপে পেশ করেন, যা হযরত আহমাদ, আবু দাউদ, আবু ইয়া'লা, ইমাম তাবরানী, দারু কুতনী, ইমাম হাকিম বর্ণনা করেনঃ

عَنْ عَلْقَمَةَ بْنِ وَاثِلٍ عَنْ أَبِيهِ أَنَّهُ صَلَّى مَعَ النَّبِيِّ صَلَّى اللَّهُ تَعَالَى عَلَيْهِ وَ
سَلَّمَ فَلَمَّا بَلَغَ غَيْرِ الْمَغْضُوبِ عَلَيْهِمْ وَ لَا الضَّالِّينَ قَالَ امِينَ أَخْفَى بِهَا
صَوْتَهُ. وَ فِي رِوَايَةٍ خَفَضَ بِهَا صَوْتَهُ وَ قَالَ صَحِيحُ الْإِسْنَادِ.

অর্থঃ আলকামা বিন ওয়ায়েল রাদিয়াল্লাহু আনহু থেকে, বর্ণিত তিনি তাঁর পিতা থেকে বর্ণনা করেন, তিনি নবী করীম সাল্লাল্লাহু আলাইহি ওয়া সাল্লাম এর সাথে নামাজ আদায় করেন। যখন নবী করীম সাল্লাল্লাহু আলাইহি ওয়া সাল্লাম **غَيْرِ الْمَغْضُوبِ عَلَيْهِمْ وَ لَا الضَّالِّينَ** বললেন তখন

(خَفَضَ صَوْتَهُ) অন্য বর্ণনায় আছে 'চুপে চুপে' বললেন। আমীন (أَخْفَى صَوْتَهُ) আমীন 'নিম্ন স্বরে' বললেন। এই হাদিসটির সনদ ছহীহ।

২. ইমাম মুহাম্মাদ বিন হাছান শায়বানী রহমাতুল্লাহি আলাইহি কিতাবুল আছারে উল্লেখ করেনঃ

عَنْ إِبْرَاهِيمَ التَّمِيمِيِّ قَالَ أَرَبَعَ يَخْفِضُهُنَّ الْإِمَامُ التَّعَوُّذَ وَبِسْمِ اللَّهِ وَسُبْحَانَكَ وَ
 آمِينَ.

অর্থঃ হযরত ইমাম নাখয়ী রহমাতুল্লাহি আলাইহি থেকে বর্ণিত, ইমাম ৪টি বিষয় চুপে চুপে বলবে। (১) আউজু বিল্লাহ ... , (২) বিস্মিল্লাহ ... , (৩) সুবহানাকা ... (ছানা) ও (৪) 'আমীন'।

৩. ইমাম তাবরানী আবু ওয়ায়েল থেকে বর্ণনা করেনঃ

عَنْ أَبِي وَائِلٍ قَالَ لَمْ يَكُنْ عُمَرُ رَضِيَ اللَّهُ تَعَالَى عَنْهُ وَ عَلِيٌّ رَضِيَ اللَّهُ تَعَالَى عَنْهُ يَجْهَرَانِ بِسْمِ اللَّهِ وَ آمِينَ. قَالُوا أَيْضًا آمِينَ دُعَاءَ الْأَصْلِ فِي الدُّعَاءِ
 الْإِخْفَاءِ.

অর্থঃ আবু ওয়ায়েল রহমাতুল্লাহি আলাইহি থেকে বর্ণিত, তিনি বলেন হযরত ওমর রাদিয়াল্লাহু তাআলা আনহু ও হযরত আলী রাদিয়াল্লাহু তাআলা আনহু বিস্মিল্লাহ ... ও 'আমীন' জোরে পড়তেন না। তাঁরা বলেন 'আমীন' হলো দোয়া; আর দোয়ার মূল বিধান হলো চুপে চুপে বলা।

যখন হাদীসের মধ্যে বিভিন্ন রূপ দেখা যায় তখন 'হেদায়া' লেখক হযরত ইবনে মাসউদ রাদিয়াল্লাহু তাআলা আনহু এর হাদীসের দিকে ফিরে যান। দেখা যায় তিনি নিম্নস্বরে 'আমীন' বলতেন; কেননা নবী করীম সাল্লাল্লাহু আলাইহি ওয়া সাল্লাম থেকেও নিম্নস্বরে বলার প্রমাণ রয়েছে।

৪. আল্লাহ পাক ইরশাদ করেনঃ

أَدْعُوا رَبَّكُمْ تَضَرُّعًا وَخُفْيَةً.

অর্থঃ তোমরা আল্লাহর নিকট কান্নাভরে গোপনে প্রার্থনা কর।
(সূরাঃ আরাফ, আয়াতঃ ৫৫)।

এতে সন্দেহ নেই যে, 'আমীন' হলো দোয়া; সুতরাং দ্বন্ধের অবসান কল্পে চূপে চূপে পড়াই প্রাধান্য পাবে। কেননা 'আমীন' কুরআনের আয়াত নয়, এ বিষয়ের উপর এজমা হয়েছে; সুতরাং এতে কুরআনের মতো আওয়াজ করা সমিচীন নয়। যার কারণে মাসহাফেও তা লেখা হয় নাই। তাই 'আমীন' ইমাম মোক্তাদী সকলেই চূপে চূপে বলবেন, ইহাই নামাজের নিয়ম।

৫. ইমাম বোখারী রহমাতুল্লাহি আলাইহি, ইমাম মুসলিম রহমাতুল্লাহি আলাইহি, ইমাম আহমাদ রহমাতুল্লাহি আলাইহি, ইমাম মালিক রহমাতুল্লাহি আলাইহি, ইমাম নাসায়ী রহমাতুল্লাহি আলাইহি, ইমাম তিরমিযী রহমাতুল্লাহি আলাইহি ও ইমাম ইবনে মাজাহ রহমাতুল্লাহি আলাইহি প্রমুখ হযরত আবু হুরায়রা রাদিয়াল্লাহু তাআলা আনহু হতে বর্ণনা করেনঃ

قَالَ رَسُولُ اللَّهِ صَلَّى اللَّهُ تَعَالَى عَلَيْهِ وَسَلَّمَ إِذَا أَمَّنَ الْإِمَامُ فَأَمِنُوا فَإِنَّهُ مَنْ وَافَقَ تَأْمِينَهُ تَأْمِينَ الْمَلَائِكَةِ غُفِرَ لَهُ مَا تَقَدَّمَ مِنْ ذَنْبِهِ.

অর্থঃ রসূলুল্লাহ সল্লাল্লাহু আলাইহি ওয়া সাল্লাম ইরশাদ করেন, ইমাম যখন 'আ-মী-ন' বলবে তখন তোমরাও 'আ-মী-ন' বলো; কেননা যার 'আ-মী-ন' ফেরেশতাদের 'আ-মী-ন' এর সাথে মিলে যাবে তার অতীতের পাপসমূহ ক্ষমা করে দেয়া হবে।

যেহেতু ফেরেশতাদের 'আমীন' নিঃশব্দ, তাই আমাদের 'আমীন'ও একইভাবে নিরবে হওয়াই হাদীসের অনুকূলে।

৬. মুসান্নাফে আবদুর রাজ্জাক ও কিতাবুল আছারে উল্লেখ আছে, যা ইমাম আবু হানীফা রহমাতুল্লাহি আলাইহি হযরত হাম্মাদ রহমাতুল্লাহি আলাইহি থেকে তিনি ইবরাহীম নাখয়ী রহমাতুল্লাহি আলাইহি হতে বর্ণনা করেনঃ

أَرْبَعٌ يُخْفِيهِنَّ الْإِمَامُ التَّعَوُّذُ وَ بِسْمِ اللَّهِ وَ سُبْحَانَكَ اللَّهُمَّ وَ آمِينَ.

অর্থঃ ৪টি জিনিস ইমাম নিচু স্বরে বলবেনঃ (১) তাআওউয (আউজু বিদ্লাহ ...), (২) বিস্মিল্লাহ ... , (৩) সুবহানা- কাল্লাহম্মা ... (ছানা) ও (৪) 'আ-মী-ন'।

উচ্চস্বরে বলার হাদীসসমূহের ব্যাখ্যা

১। যেখানে 'আম্বিনূ' آمِنُوا (তোমরা 'আ-মী-ন' বল) আছে সেখানে আমর (আদেশ) এর জন্য নয়, বরং ফজিলত বর্ণনার জন্য বলা হয়েছে।

২। যেসকল হাদীসে مَدَّ بِهَا صَوْتَهُ (দীর্ঘ করলেন তাঁর আওয়াজ) বাক্যাংশটি এসেছে তথায় তালিম (শিক্ষা) দানের জন্য বলা হয়েছে। যেমনঃ হযরত ইবনে আব্বাস রাদিয়াল্লাহু তাআলা আনহুমা কখনো জানাজার নামাজে দোয়া জোরে পড়েছেন, অথচ আস্তে বলার কথা ছিল। শিক্ষা দানের জন্য তিনি এরূপ করেছেন।

৩। مَدَّ بِهَا صَوْتَهُ (দীর্ঘ করলেন তাঁর আওয়াজ) কথা দ্বারা বুঝানো হয়েছে 'মাদ্দ' مَدَّ (দীর্ঘ) করে পড়েছেন; এর বিপরীত 'কছর' فَصَّرَ (হ্রাস করে বা দ্রুত) পড়েননি।

৪। হযরত ওয়ায়েল বিন হাজর রহমাতুল্লাহি আলাইহি থেকে দু ধরণের বর্ণনা পাওয়া যায়ঃ

(ক) হযরত ছুফিয়ান ছাওরী রহমাতুল্লাহি আলাইহি এর সনদে رَفَعَ بِهَا صَوْتَهُ (তিনি তাঁর আওয়াজ উচ্চ করলেন) এর বর্ণনায় আছে।

(খ) শু'বা রহমাতুল্লাহি আলাইহি থেকে خَفَضَ بِهَا صَوْتَهُ (তিনি তাঁর আওয়াজ নিচু করলেন) রয়েছে।

দ্বিমতপূর্ণ বর্ণনা পাওয়া গেলে সে হাদীস অনুসারে আমল করা হয়না কিন্তু এখানে শু'বা রহমাতুল্লাহি আলাইহি এর বর্ণনা প্রাধান্য পাবে; কেননা সুফিয়ান রহমাতুল্লাহি আলাইহি বলেন, শু'বা 'আমীরুল মুমিনিন ফিল হাদীস' ছিলেন।

৫। আহনাফের বর্ণনায় শু'বা রাদিয়াল্লাহু তাআলা আনহু বর্ণিত خَفَضَ بِهَا صَوْتَهُ (তিনি তাঁর আওয়াজ নিচু করলেন) হাদীসটি এই মূল সূত্রে ও প্রেক্ষাপটে প্রাধান্য পাবে যে, أَصْلٌ فِي الْعِبَادَةِ السِّرِّ (এবাদত চূপে চূপে করাই মৌলিক নিয়ম)।

৬। আল্লাহ তায়ালার বাণীঃ

الَّذِينَ هُمْ فِي صَلَاتِهِمْ خَاشِعُونَ.

অর্থঃ যারা নামাজে ভয় ভীতির সহিত অবস্থান করে। (সূরাঃ মু'মিনুন, আয়াতঃ ২)।

এখানেও চূপে চূপে করার প্রতি ইঙ্গিত পাওয়া যায়।

৭। আল্লাহ পাক বলেনঃ

أَدْعُوا رَبَّكُمْ تَضَرُّعًا وَخُفْيَةً.

অর্থঃ তোমরা আল্লাহর নিকট বিনয়ের সহিত নিরবে চাইবে। (সূরাঃ আরাফ, আয়াতঃ ৫৫)।

এখানেও জোরে বলার কথা নেই; বরং গোপনে বা নিরবের কথা উল্লেখ রয়েছে। এতে প্রতীয়মান হয় যে 'আমীন' আস্তে আস্তে বলাই উত্তম, জোরে বলার কোন অকাট্য দলিল নেই। কাজেই নব্য জামাতের ফাঁদে পড়ে ছহীহ মাছআলা ও হানাফী মাযহাবকে বর্জন করা কারো জন্য উচিত হবে না।

আযান ও ইকামাতের ফায়সালা বা সমাধান (যেই ভাবে আযান দিবে, সেই ভাবে ইকামাত দিবে।)

পাঠক ভাইয়েরা অতি গুনাচারী! এক দল মাঠে নেমেছে তারা আজানে ও ইকামাতে ফরক সৃষ্টি করেন যদিও কুরআন সুন্নাহর ফায়সালা হচ্ছে আযান ও ইকামাতের শব্দাবলী এক ও অভিন্ন হবে, তবু তারা আযানে দু'বার ও ইকামাতে এক বার শব্দাবলী উচ্চারণ করে থাকে। তাদের এ আমল গ্রহণযোগ্য নয়। কারণ যুগ যুগ ধরে হানাফী মাযহাব অনুযায়ী আমল চলে আসছে। তাই সঠিক পথ ও মত দলিল সহ নিম্নে সংক্ষেপে আলোকপাত করছি।

১। তিরমিযী শরীফ, ৪৮ পৃষ্ঠায় আছেঃ

عَنْ عَبْدِ اللَّهِ بْنِ زَيْدٍ رَضِيَ اللَّهُ تَعَالَى عَنْهُ قَالَ كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَ سَلَّمَ شَفَعًا شَفَعًا فِي الْأَذَانِ وَ الْإِقَامَةِ. وَ قَالَ بَعْضُ أَهْلِ الْعِلْمِ الْأَذَانُ مَثْنِي مَثْنِي وَ الْإِقَامَةُ مَثْنِي مَثْنِي. وَ بِهِ يَقُولُ سُفْيَانُ الثَّوْرِيُّ وَ ابْنُ الْمُبَارَكِ وَ أَهْلُ الْكُوفَةِ.

অর্থঃ হযরত আবদুল্লাহ বিন জাইদ রাদিয়াল্লাহু আনহু থেকে বর্ণিত, তিনি বলেন, নবী করীম সাল্লাল্লাহু আলাইহি ওয়া সাল্লাম বলেন, আযান ও ইকামাত ছিল দুইবার দুইবার করে। বিশিষ্ট আহলে ইলমগণ আযান ও ইকামাতে দুইবার দুইবার বলার মত পোষণ করেন। সে মতে ইমাম ছুফিয়ান ছাওরী রহমাতুল্লাহি আলাইহি, ইবনুল মোবারক রহমাতুল্লাহি আলাইহি এবং কুফাবাসী ফকীহগণ মতামত পেশ করেন।

২। ইবনে খুজাইমা তার ছহীহ কিতাবে উল্লেখ করেনঃ

وَ بَلَفْظُهُ فَعَلَّمَهُ الْأَذَانَ وَ الْإِقَامَةَ مَثْنِي مَثْنِي وَ كَذَلِكَ رَوَاهُ ابْنُ حِبَّانَ فِي صَحِيحِهِ. هَذَا مَا قَالَهُ الْعَيْنِيُّ.

অর্থঃ উক্ত কিতাবে আছে আযান ও ইকামাত দুইবার দুইবার করে শিক্ষা দেন, এমনিভাবে ইবনে হিব্বানও তার ছহী কিতাবে উল্লেখ করেন এবং আল্লামা আইনী রহমাতুল্লাহি আলাইহি ও সে মতে মতামত পেশ করেন।

৩। ফাতহুল কাদীরে আছেঃ

كَيْفًا! وَ قَالَ الطَّحَاوِيُّ تَوَاتَرَتِ الْاِثَارُ عَنْ بِلَالٍ رَضِيَ اللهُ تَعَالَى عَنْهُ أَنَّهُ كَانَ يُثْنِي الْاِقَامَةَ حَتَّى مَاتَ.

অর্থঃ কেমন করে ইকামাতে এক বার করে পড়বে! অথচ হযরত ইমাম ত্বাহাবী রহমাতুল্লাহি আলাইহি বলেন, হযরত বেলাল রাদিয়াল্লাহু তাআলা আনহু থেকে বহু তরীকায় (মুতওয়াতির) বর্ণনা এসেছে যে, তিনি একামতে দুইবার দুইবার করে বলতেন; তাঁর শেষ জীবন পর্যন্ত উক্ত আমল চলমান ছিল।

৪. তিরমিযী শরীফের টিকায় উল্লেখ আছে (টিকা নং ৬)ঃ যার অর্থ হলোঃ “হযরত আবদুল্লাহ বিন সাঈদ আনসারী রাদিয়াল্লাহু তাআলা আনহু নবী করীম সাল্লাল্লাহু আলাইহি ওয়া সাল্লাম এর দরবারে হাজির হন এবং বলেন, “হে আলম্বাহর নবী (সাল্লাল্লাহু আলাইহি ওয়াসাল্লাম!) আমি স্বপ্নে দেখেছি এক ব্যক্তি দাঁড়ালেন তার গায়ে সবুজ রং এর চাদর এবং তিনি আযান ও ইকামাতের শব্দাবলী দুইবার দুইবার উচ্চারণ করেন।”

বর্ণিত দালায়েল দ্বারা আযান ও ইকামাতে দুইবার দুইবার বলার কথাই শক্তিশালী। হানাফী মাযহাব মোতাবেক দুই দুই বার বলাই কাম্য।

যারা একবার বলেন তাদের খণ্ডন

১। হযরত আনাস রাদিয়াল্লাহু আনহু এর হাদীসে দেখা যায় একবার ইকামাতে ইখতেছার (اختصار) বা সংক্ষেপ করার লক্ষ্যে করা হয়; তালীমী জাওয়াজ (শিক্ষার জন্য বৈধ) হিসেবে গণ্য ইহা দ্বারা চলমান

সিরাতে মুস্তাকীম # ২৮

সুন্নাত হতে পারে না। কারণ ইমাম তহাবী ও ইমাম ইবনে জাওজি রহমাতুল্লাহি আলাইহি এর মতে, হযরত বিলাল রাদিয়াল্লাহু আনহু জীবনের শেষ সময় পর্যন্ত ইকামাত দুই দুই বার বলেছেন।

২। হানাফী মাযহাবের পক্ষ থেকে বলা হয়, বোখারীতে যে হযরত আনাস রাদিয়াল্লাহু আনহু এর বর্ণনা আছে তা মানসুখ (রহিত), হযরত আবু মাহজুরা রাদিয়াল্লাহু আনহু এর হাদীস দিয়ে, যা আছহাবে সুনান বর্ণনা করেন, যার মধ্যে ইকামাতে দুই দুইবার বলার বর্ণনা রয়েছে।

৩। হযরত আনাস রাদিয়াল্লাহু আনহু এর হাদীস পূর্বের এবং আবু মাহজুরা রাদিয়াল্লাহু আনহু এর হাদীস পরের। নিয়ম মোতাবেক পরের হাদীস আগের হাদীসকে রহিত করে।

আলোচিত বর্ণনার পর যারা ইকামাতে একবার করে বলার খুলি নিয়ে প্রচার করছেন তাদের আর কোন পথ রইল না। কারণ, হাদীস দেখলেই বা পেলেই হবে না; হাদীসের নানা প্রকারভেদ রয়েছে। হাদীস বিশারদগণ তা নির্ণয় করতে সক্ষম; যেমন ইমাম আবু হানীফা রহমাতুল্লাহি আলাইহি, ইমাম শাফেয়ী রহমাতুল্লাহি আলাইহি প্রমুখ। কাজেই, যেখানে শাঈখ ওয়ালী উল্লাহ মুহাদ্দিস রহমাতুল্লাহি আলাইহিও মাযহাবী ছিলেন। বর্তমানে সালাফী কি তাঁর চেয়ে বড় মুহাদ্দিস হয়ে গেলো? তাই মাযহাব মতে চলুন ও বলুন।

ইমামের পেছনে 'সূরা ফাতিহা' পড়ার মাসআলা

পাঠক ভাইয়েরা ইমামের পেছনে মুক্তাদী হয়ে সূরা কিরাআত পড়তে হয় না; কিন্তু বর্তমানে কিছু লোককে ইমামের পেছনে কিরাআত পড়তে দেখা যায়। এ মর্মে নিম্নে প্রমাণাদিসহ উপস্থাপন করলাম।

১। তিরমিযী শরীফ, ৭১পৃষ্ঠায় উল্লেখ আছেঃ

عَنْ أَبِي هُرَيْرَةَ رَضِيَ اللَّهُ تَعَالَى عَنْهُ أَنَّ رَسُولَ اللَّهِ صَلَّى اللَّهُ تَعَالَى عَلَيْهِ وَ سَلَّمَ
الْصَّرْفَ مِنْ صَلَاةٍ جَهْرًا فِيهَا بِالْقِرَاءَةِ فَقَالَ هَلْ قَرَأَ بِمَعْنَى اخْتِمْ مِنْكُمْ انْفَاءً؟
فَقَالَ رَجُلٌ نَعَمْ يَا رَسُولَ اللَّهِ صَلَّى اللَّهُ تَعَالَى عَلَيْهِ وَ سَلَّمَ قَالَ انِّي أَقُولُ مَا لِي
أَنَارُ عِ الْقُرْآنَ؟ فَانْتَهَى النَّاسُ عَنِ الْقِرَاءَةِ مَعَ رَسُولِ اللَّهِ صَلَّى اللَّهُ تَعَالَى عَلَيْهِ وَ
سَلَّمَ.

অর্থঃ হযরত আবু হুরায়রা রাদিয়াল্লাহু তাআলা আনহু থেকে বর্ণিত, নবী করীম সাল্লাল্লাহু আলাইহি ওয়া সাল্লাম একদা ছালাতে জেহরীয়া (সশব্দে কিরাআত পড়া হয় এমন নামাজ) থেকে অবসর হয়ে বলেন, তোমাদের মধ্যে কি কেহ আমার পেছনে কিরাআত পড়েছে? এক ব্যক্তি বললঃ হ্যাঁ, হে আল্লাহর রাসূল সাল্লাল্লাহু আলাইহি ওয়া সাল্লাম! নবী করীম সাল্লাল্লাহু আলাইহি ওয়া সাল্লাম বলেন, আমি বলছি শুনঃ আমি যেন কিরাআত পড়ায় টানাহেচড়ার মধ্যে পড়ে গেলাম। অতঃপর সাহাবায়ে কেলাম পুনরায় নবী করীমের পেছনে কিরাআত পড়া থেকে বিরত থাকেন।

২। তিরমিযী শরীফের টিকায় আছে, হযরত ইমাম আবু হানীফা রহমাতুল্লাহি আলাইহি বলেন, ছেররীয়া (যে সব নামাযে কিরাআত নিরবে পড়া হয়) ও জেহরীয়া (সশব্দে কিরাআত পড়া হয় এমন নামাজ) কোন অবস্থায় মুক্তাদী কিরাআত ও সূরা ফাতিহা পড়বে না।

আল্লাহ পাক ইরশাদ করেনঃ

إِذَا قُرِئَ الْقُرْآنُ فَاسْتَمِعُوا لَهُ وَأَنْصِتُوا.

অর্থঃ যখন কুরআন তিলাওয়াত হয় তখন তোমরা কান পেতে শুন এবং চুপ থাক। (সূরাঃ আরাফ, আয়াতঃ ২০৪)।

সাধারণত (সামগ্রিক অর্থে) চুপ থাকাই এখানে বুঝানো হয়েছে। সুতরাং কিরাআত পাঠ করলে শ্রবণ করা মুক্তাদীর জন্য অত্যাবশ্যিক, কেননা চুপ থাকা আয়াতের আমল। বর্ণিত আয়াত নামাজের কিরাআত প্রসঙ্গেই নাযিল হয়েছে।

৩। হযরত ইমাম বায়হাকী রহমাতুল্লাহি আলাইহি, ইমাম আহমাদ বিন হাম্বল রহমাতুল্লাহি আলাইহি থেকে বর্ণনা করেন যে, এই বর্ণিত আয়াতের প্রেক্ষাপটে সকল ইমামগণ ঐক্যমত পোষণ করেন যে এই আয়াত নামাজের প্রেক্ষাপটে নাযিল হয়েছে।

নবী করীম সাল্লাল্লাহু আলাইহি ওয়া সাল্লাম ইরশাদ করেনঃ

مَنْ كَانَ لَهُ إِمَامٌ قَرَأَهُ الْإِمَامُ لَهُ قِرَاءَةٌ.

অর্থঃ যে ব্যক্তি মুক্তাদী হয়ে নামায পড়বে, ইমামের কিরাআতই তার কিরাআত বলে গণ্য হবে।

অর্থাৎ মোক্তাদী হয়ে ইমামের পেছনে কিরাআত পড়তে হবে না।

৪। ইমাম মুহাম্মাদ রহমাতুল্লাহি আলাইহি 'মোয়াত্তায়' উল্লেখ করেনঃ

عَنِ النَّبِيِّ صَلَّى اللَّهُ تَعَالَى عَلَيْهِ وَسَلَّمَ مَنْ صَلَّى خَلْفَ الْإِمَامِ فَإِنَّ قِرَاءَةَ الْإِمَامِ قِرَاءَةٌ لَهُ.

অর্থঃ যে ব্যক্তি ইমামের পেছনে নামাজ আদায় করবে, ইমামের কিরাআতই তার কিরাআত হিসাবে গণ্য হবে।

৫। ইবনে মাজাহ এর ৬০পৃষ্ঠায় টিকায় আছেঃ "হযরত ইবনে মারদুবিয়া সনদের সহিত তার লিখিত তাফসীরে উল্লেখ করেন যে, হযরত মোয়াবিয়া ইবনে কুররা রহমাতুল্লাহি আলাইহি বলেন, আমি কোন কোন শাদ্বিখ ও মাশায়েখ (সাহাবীগণ) কে জিজ্ঞাসা করি উক্ত বিষয়ের প্রেক্ষাপটে, তবে আবদুল্লাহ বিন মোগাফ্ফাল রাদিয়াল্লাহু আনহু বলেন, যে ব্যক্তি কুরআন পড়া শুনবে তার শ্রবণ ও চুপ থাকা ওয়াজিব হয়ে যায়।"

তিনি আরো বলেন (আয়াত শরীফ):

إِذَا قُرِئَ الْقُرْآنُ فَاسْتَمِعُوا لَهُ وَأَنْصِتُوا

অর্থঃ যখন নামাজে কুরআন তিলাওয়াত হয় তখন তোমরা কান পেতে শুন এবং (ব্যাপকার্থে) চুপ করে থাক। (সূরাঃ আরাফ, আয়াতঃ ২০৪)।

সকলেই জানেন 'কিরাতাত খালফাল ইমাম' (ইমামের পেছনে কিরাতাত পড়া) প্রেক্ষাপটে এই আয়াত নাযিল হয়।

৬। তাফসীরে মাজহারীতে আছে, কুরআনুল কারীম পাঠ করতে থাকলে শ্রবণ করা ও চুপ থাকা ওয়াজিব, ইহা নামাজের মধ্যেও পালনীয় বলে গণ্য হবে। জমহুর সাহাবায়ে কেলামগণ রাদিয়াল্লাহু তাআলা আনহুম বলেন, মুক্তাদী চুপ করে শ্রবণ করবে, এটাই যথাযথ ও সঠিক।

নবী করীম সাল্লাল্লাহু আলাইহি ওয়া সাল্লাম ইরশাদ করেন যখন তোমাদের সামনে কুরআন পড়া হয়; তখন তোমরা চুপ থাক। (মুসলিম শরীফ দ্রষ্টব্য)।

৭। ইমাম তিরমিযী রহমাতুল্লাহি আলাইহি ও আবু দাউদ রহমাতুল্লাহি আলাইহি হযরত উবাদা বিন সামেত রাদিয়াল্লাহু তাআলা আনহু থেকে বর্ণনা করেন যে, তোমরা একমাত্র ফাতিহা পাঠ করবে; কেননা উক্ত সূরা পাঠ না করলে নামাজ পরিপূর্ণ রূপে হবে না।

ইবনে মাজাহ শরীফের টিকা লেখক বলেন, এরূপ নয় যে, নামাজ একেবারেই হবে না। কেননা ফাতিহা পড়ার যে হাদীস তা দুর্বল; কারণ এই হাদীসের সনদে 'মুহাম্মাদ বিন ইছহাক' মুদাল্লিছ (ভুল উর্ধসংযোগ প্রতিস্থাপনকারী)। আল্লামা আইনী বলেন, 'মুহাম্মদ বিন ইছহাক বিন ইয়াছার' মুদাল্লিছ। ইমাম মালেক রহমাতুল্লাহি আলাইহি তাকে মিথ্যুক বলেছেন, ইমাম আহমদ বিন হাম্বল রহমাতুল্লাহি আলাইহি তাকে দুর্বল রাবী বলেছেন। তার থেকে কোন প্রকার হাদীস গ্রহণ করা ঠিক হবে না।

৮। ইমাম তহাবী রহমাতুল্লাহি আলাইহি বর্ণনা করেন যে, হযরত জাবের রাদিয়াল্লাহু আনহু থেকে মারফু হিসাবে ইমাম মুহাম্মদ রহমাতুল্লাহি আলাইহি 'মোয়াত্তার' শর্তে শাঈখাইন (বোখারী ও মুসলিম) এর সহিত জাবের রাদিয়াল্লাহু আনহু থেকে বর্ণনা করেন, তিনি বলেন: নবী করীম সাল্লাল্লাহু আলাইহি ওয়া সাল্লাম ইরশাদ করেন, যে ব্যক্তি ইমামের পেছনে নামাজ পড়বে, ইমামের কিরাআতই তার কিরাআত।

হযরত ইমাম ইবনে মাজাহ রহমাতুল্লাহি আলাইহি, হযরত জাবের রাদিয়াল্লাহু আনহু থেকে বর্ণনা করেন যে, নবী করীম সাল্লাল্লাহু আলাইহি ওয়া সাল্লাম ইরশাদ করেন, যে মুক্তাদী হয়ে ইমামের পেছনে নামাজ পড়বে, ইমামের কিরাআতই তার (মুক্তাদীর) কিরাআত বলে গণ্য হবে।

৯। ইমাম মুসলিম রহমাতুল্লাহি আলাইহি হযরত আতা রহমাতুল্লাহি আলাইহি এর সনদে বর্ণনা করেন যে, তিনি যারদ বিন সাবেত রাদিয়াল্লাহু আনহুকে এই প্রশ্নে জিজ্ঞাসা করেন, উত্তরে তিনি বলেন, ইমামের পেছনে নামাজ পড়লে কিরাআত পড়তে হবে না।

১০। ইমাম মালেক রহমাতুল্লাহি আলাইহি হযরত নাফে থেকে, তিনি ইবনে ওমর রাদিয়াল্লাহু আনহু থেকে বর্ণনা করেন যে, যখন ইবনে ওমর রাদিয়াল্লাহু আনহু কে কেহ এই প্রশ্ন করতেন যে, ইমামের পেছনে কিরাআত পড়তে হবে কিনা? তিনি বলতেন, ইমামের সহিত নামাজ আদায় করলে তার কিরাআতই তোমাদের কিরাআত হিসেবে গণ্য হবে। যখন একাকি পড়বে তখন ফাতেহা ও কিরাআত পড়বে।

হযরত আবদুল্লাহ বিন ওমর রাদিয়াল্লাহু তাআলা আনহু ইমামের পেছনে কিরাআত পড়তেন না।

১১। ইমাম মুহাম্মাদ রহমাতুল্লাহি আলাইহি 'মোয়াত্তায়' আরো উল্লেখ করেন, যে ইমামের পেছনে কিরাআত পড়বে তার নামায শুদ্ধ হবে না।

উক্ত কিতাবে আরো বর্ণনা রয়েছে, যে ব্যক্তি ইমামের পেছনে ফাতিহা পড়ে যদি তার মুখে পাথর পতিত হতো!

তিনি আরো বলেন, ইমামের পেছনে কোন অবস্থায় কিরাআত পড়বে না; বরঞ্চ চুপ থাকবে ও শ্রবণ করবে।

১২। ইমাম শাবী রহমাতুল্লাহি আলাইহি বলেন, আমি সত্তর জন বদরী সাহাবী রাদিয়াল্লাহু তাআলা আনহুম কে পেয়েছি ঐ সকল বেহেশতী সাহাবীগণ এই মত পোষণ করেন যে, ইমামের পেছনে কোন কিরাআত নেই। হযরত ইমাম আবু হানীফা রহমাতুল্লাহি আলাইহি ও তার অনুসারীগণ অতি শুদ্ধ ও সঠিক, কারণ তারা একরূপ আমল করেন।

১৩। তিরমিযী শরীফের ৫৭ পৃষ্ঠায় উল্লেখিত হাদীসঃ

لَا صَلَاةَ لِمَنْ لَمْ يَقْرَأْ بِفَاتِحَةِ الْكِتَابِ.

অর্থঃ ফাতিহা শরীফ না পড়লে নামাজ পরিপূর্ণ হবে না।

এই মর্মে হানাফীগণ বলেন যে, সূরা ফাতিহা পড়া ফরজ নয়; বরঞ্চ কুরআনে কারীমের যেখান থেকে হোক, পড়লেই নামাজ শুদ্ধ হবে।

১৪। আল কোরআনে আছেঃ

فَأَقْرَأُوا مَا تيسَّرَ مِنَ الْقُرْآنِ. فَأَقْرَأُوا مَا تيسَّرَ مِنْهُ.

অর্থঃ তোমরা কুরআনের যেখান থেকে সহজ পড়; তোমরা তার যে খান থেকে সুবিধা হয় পড়। (সূরাঃ মুযযাম্বিল, আয়াতঃ ২০)।

উক্ত আয়াত দু'টির নির্দেশের বিপরীতে যদি বলা হয় সূরা ফাতিহা পড়তেই হবে; তাহলে কুরআনের উপর হাদীসের আমলকে প্রাধান্য দেয়া হয়; যা গ্রহণযোগ্য নয়।

১৫। বোখারী শরীফে আরো উল্লেখ আছেঃ 'নবী করীম সাল্লাল্লাহু আলাইহি ওয়া সাল্লাম এক আরাবী (গ্রাম্য লোক) কে নামাজের শিক্ষা দিচ্ছিলেন এমন সময় বললেন যে, তুমি কুরআনের যা জ্ঞান তাই নামাজে পাঠ করবে।'।

অতএব সূরা ফাতিহা ব্যতীত নামায হবে না, এটি তাদের উক্ত মতের পক্ষে বৈধ দলিল নয়। হাদীসে যেখানে 'লা ছালাতা' لَا صَلَاةَ (নামাজ হয় না) বলা হয়েছে সেখানে পূর্ণতা বুঝানো উদ্দেশ্য; কেননা না পড়ার বেলায় বলা হয়েছে 'খাদাজুন' (خَدَجٌ) অর্থাৎ অসম্পূর্ণ; এমন নয় যে নামাজ বাতিল হয়ে যাবে। সুতরাং ইমাম কিংবা একাকী নামায আদায়কারীর জন্যই সূরা ফাতিহা পড়ার হাদীস প্রযোজ্য। এ দু' প্রকারের মুসলম্বীর জন্য সূরা ফাতিহা পড়া ওয়াজিব। ইমাম কিংবা একাকী নামায আদায়কারী মুক্তাদী ভুলবশতঃ সূরা ফাতিহা না পড়লে তাকে সাজদা-ই সাহ্ত দিতে হয়। কাজেই এ হাদীস দ্বারা ইমামের পেছনে নামায আদায় করার জন্য সূরা ফাতিহা পড়ার কথা বলা সঠিক নয়।

যদি সূরা ফাতিহা ফরজ হতো তাহলে নবী করীম সাল্লাল্লাহু আলাইহি ওয়া সাল্লাম ঐ আরাবী (গ্রাম্য লোক) কে প্রথমে ফাতিহার তালিম দিতেন। কেননা এটাই হলো শিক্ষার স্থান। কাজেই ইমামের পেছনে কিরাআত বা সূরা ফাতিহা কোনটাই পড়তে হবে না।

আসুন যারা কিরাআত পড়তে হবে বলেন তাদের কথায় কান না দিয়ে হযরত ইমাম আবু হানীফা রহমাতুল্লাহি আলাইহি এর মাযহাব অনুযায়ী নিজেকে পরিচালনা করে ধন্য করি।

তাদের দাবি তারা মাযহাব মান্য করেন না; পক্ষান্তরে দেখা যায় তাদের অনেক আমলই মাযহাব অনুযায়ী করছেন।

রফউল ইয়াদাঈন বা নামাজে বারবার হাত উঠানো

পাঠক ভাইয়েরা মাঝে মাঝে কোন কোন মাসজিদে লক্ষ্য করা যায়, রুকু ও সিজদাহর আগে ও পরে রফউল ইয়াদাঈন (বারবার হাত তোলা) করা হচ্ছে। তা দেখে সাধারণ মুছল্লী ভাইয়েরা চমকে যান। তাই সংক্ষেপে বিষয়টির উপর আলোচনা করতে চাই।

বোখারী শরীফে ১০৪ পৃষ্ঠায় উল্লেখ রয়েছেঃ

عَنْ ابْنِ عُمَرَ رَضِيَ اللَّهُ تَعَالَى عَنْهُ قَالَ رَأَيْتُ رَسُولَ اللَّهِ صَلَّى اللَّهُ تَعَالَى عَلَيْهِ وَ سَلَّمَ إِذَا قَامَ فِي الصَّلَاةِ رَفَعَ يَدَيْهِ حَتَّى تُكُونَا حَذْوَ مَنْكِبَيْهِ وَ كَانَ يَفْعَلُ ذَلِكَ حِينَ يُكَبِّرُ لِرُكُوعٍ فَيَفْعَلُ ذَلِكَ إِذَا رَفَعَ رَأْسَهُ.

অর্থঃ আবদুল্লাহ বিন ওমর রাদিয়াল্লাহু তাআলা আনহু থেকে বর্ণিত, তিনি বলেন, আমি নবী করীম সাল্লাল্লাহু আলাইহি ওয়া সাল্লাম কে দেখেছি যখন নামাজে দাঁড়ান তখন দুই হাত কাঁধ বরাবর উঠাতেন। যখন রুকুর জন্য তাকবীর বলতেন তখনও হাত উঠাতেন, যখন রুকু থেকে মাথা উঠাতেন তখনও এরূপ করতেন।

ইমাম বদরুদ্দীন আইনী রহমাতুল্লাহি আলাইহি বলেন, উক্ত হাদীস ইমাম শাফেয়ী রহমাতুল্লাহি আলাইহি এর মাযহাব। যারা বলে যে, তারা মাযহাব মানেন না, তারা তো হাত উঠাতে পারে না, হাত উঠালে তো শাফেয়ী মাযহাবের অনুসারী হয়ে যাবেন; অথবা অন্যভাবে নামাজ পড়তে হবে।

ইমাম আবু হনীফা রহমাতুল্লাহি আলাইহি বলেন, তাকবীরে তাহরীমা ছাড়া হাত উঠাবে না। ইমাম ছুফিয়ান ছউরী রহমাতুল্লাহি আলাইহি, ইমাম নাখঈ রহমাতুল্লাহি আলাইহি, ইবনে লায়লা রহমাতুল্লাহি আলাইহি, আলকামা বিন কায়েছ রহমাতুল্লাহি আলাইহি, আছওয়াদ বিন

ইয়াজিদ রহমাতুল্লাহি আলাইহি, আমের আশ-শাবী রহমাতুল্লাহি আলাইহি, আবু ইছহাক রহমাতুল্লাহি আলাইহি, খুগায়মা রহমাতুল্লাহি আলাইহি, ওয়াকিয়ী রহমাতুল্লাহি আলাইহি, আছেন বিন কালিব রহমাতুল্লাহি আলাইহি এই সকল মনিষীগণও আবু হানীফা রহমাতুল্লাহি আলাইহি এর পক্ষে মতামত পোষণ করেন।

ইমাম তিরমিযী রহমাতুল্লাহি আলাইহি বলেন, অনেক সাহাবী, ভাবেসৈনগণ এমত পোষণ করেন।

বর্ণিত হাদীসের জওয়াব হলোঃ

(ক) হাদীসটি ইসলামের প্রথম যুগের ছিল; রফউল ইয়াদাঈনের হাদীস পরবর্তিতে মানচুখ (রহিত) হয়ে যায়। যার প্রমাণ সরূপ দেখা যায়ঃ

১. হযরত আবদুল্লাহ বিন জুবায়ের রাদিয়াল্লাহু আনহু থেকে বর্ণিত, তিনি বলেনঃ এক ব্যক্তিকে একরূপ হাত উঠাতে দেখেন অতঃপর তিনি বলেন একরূপ করবে না; নবী করীম সাল্লাল্লাহু আলাইহি ওয়া সাল্লাম প্রথমদিকে একরূপ করতেন, পরে এই আমল ছেড়ে দেন। এই বর্ণনা উক্ত হাদীস মানচুখ (স্বগিত) হওয়াকেই নিশ্চিত প্রমাণ করে।

২. ইমাম তহাবী রহমাতুল্লাহি আলাইহি সহীহ সনদে বর্ণনা করেন যে, হযরত মুজাহিদ রহমাতুল্লাহি আলাইহি বলেন, আমি ইবনে ওমর রাদিয়াল্লাহু তাআলা আনহু এর পেছনে নামাজ পড়তাম, তিনি একমাত্র তাকবীরে উলা (প্রথম তাকবীর-তাহরীমাহ) ব্যতীত হাত উঠাতেন না।

৩. ইমাম তহাবী রহমাতুল্লাহি আলাইহি আরো বলেন, এই ইবনে ওমর রাদিয়াল্লাহু তাআলা আনহু ই প্রথমে নবী করীম সাল্লাল্লাহু আলাইহি ওয়া সাল্লাম রফউল ইয়াদাঈন করতে দেখেন, পরবর্তিতে নবী করীম এটা ছেড়ে দেন। যখন নবী করীম সাল্লাল্লাহু আলাইহি ওয়া সাল্লাম ছেড়ে দেন, ইহাই মানচুখ হওয়ার উপর স্পষ্ট দলীল।

ইমাম আবু হানীফা রহমাতুল্লাহি আলাইহি বলেন, একদা আমার সাথে ইমাম আওজায়ী রহমাতুল্লাহি আলাইহি এর সাক্ষাত হয় মক্কা শরীফে। আওজায়ী রহমাতুল্লাহি আলাইহি আমাকে বলেন, কি হয়েছে

ইমাম সাহেব! আপনি রফউল ইয়াদাঈন করেন না কেন? আবু হানীফা রহমাতুল্লাহি আলাইহি বলেন, আমি তো নবী করীম সাল্লাল্লাহু আলাইহি ওয়া সাল্লাম থেকে সহীহ বর্ণনায় এমন কথা পাইনি যে, তাকবীরে তাহরীমা ব্যতিত অন্য কোন জায়গায় হাত উঠাতে হবে। আওজায়ী বলেন হুহীহ বর্ণনায় নেই? এ বলে তিনি একটি হাদীস বর্ণনা করেনঃ

حَدَّثَنَا زُهْرِيُّ عَنْ سَالِمٍ عَنْ أَبِيهِ أَنَّ رَسُولَ اللَّهِ صَلَّى اللَّهُ تَعَالَى عَلَيْهِ وَ
سَلَّمَ كَانَ يَرْفَعُ يَدَيْهِ إِذَا افْتَتِحَ الصَّلَاةُ وَعَنِ الرُّكُوعِ وَ عِنْدَ رَفْعِ مَنَّهُ.

অর্থঃ (আওজায়ী রহমাতুল্লাহি আলাইহি বলেন), আমাকে ইমাম জুহরী রহমাতুল্লাহি আলাইহি হাদীস বর্ণনা করেন ছালেম থেকে, তিনি তার পিতা থেকে, নবী করীম সাল্লাল্লাহু আলাইহি ওয়া সাল্লাম তাকবীরে তাহরীমা এবং রুকু'র সময় ও রুকু'র থেকে মাথা উঠানোর সময় রফউল ইয়াদাঈন করতেন।

ইমাম আবু হানীফা রহমাতুল্লাহি আলাইহি বলেনঃ

حَدَّثَنَا حَمَّادٌ عَنْ إِبْرَاهِيمَ عَنْ عَلْقَمَةَ عَنْ عَبْدِ اللَّهِ بْنِ مَسْعُودٍ أَنَّ النَّبِيَّ
صَلَّى اللَّهُ تَعَالَى عَلَيْهِ وَ سَلَّمَ كَانَ لَا يَرْفَعُ إِلَّا عِنْدَ افْتِتَاحِ الصَّلَاةِ ثُمَّ لَا
يَعُودُ.

অর্থঃ (ইমাম আবু হানীফা রহমাতুল্লাহি আলাইহি বলেন), হযরত হাম্মাদ রহমাতুল্লাহি আলাইহি আমাকে হাদীস বর্ণনা করেন ইব্রাহিম রহমাতুল্লাহি আলাইহি থেকে, তিনি আলকামা রাদিয়াল্লাহু আনহু থেকে, তিনি আবদুল্লাহ বিন মাসউদ রাদিয়াল্লাহু তাআলা আনহু থেকে, “নবী করীম সাল্লাল্লাহু আলাইহি ওয়া সাল্লাম দাস্ত (হাত) মোবারক উঠাতেন না, একমাত্র তাকবীরে তাহরীমা ব্যতীত; এই অবস্থা থেকে তিনি আর ফিরে যাননি”।

ইমাম আওজায়ী রহমাতুল্লাহি আলাইহি বলেন, আমি আপনাকে হাদীস শুনালাম জুহরী রহমাতুল্লাহি আলাইহি থেকে, তিনি ছালেম

রহমাতুল্লাহি আলাইহি থেকে তিনি, তার পিতা থেকে। আপনি হাদীস বর্ণনা করলেন হাম্মাদ রহমাতুল্লাহি আলাইহি থেকে, তিনি আবদুল্লাহ বিন মাসউদ রাদিয়াল্লাহু তাআলা আনহু থেকে। (আপনার হাদীস আমার হাদীসের সমমর্যাদায় হয় কি?) ইমাম আবু হানীফা রহমাতুল্লাহি আলাইহি বললেন, হযরত হাম্মাদ রহমাতুল্লাহি আলাইহি জুহরী থেকে আফকাহ (বেশী প্রজ্ঞাবান), ইব্রাহীম রহমাতুল্লাহি আলাইহি ছালেম রহমাতুল্লাহি আলাইহি থেকে আফকাহ (বেশী প্রজ্ঞাবান), আলকামা রাদিয়াল্লাহু তাআলা আনহু থেকে ইবনে মাসউদ রাদিয়াল্লাহু তাআলা আনহু আফকাহ (বেশী প্রজ্ঞাবান)। অর্থাৎ ইমাম আবু হানীফা রহমাতুল্লাহি আলাইহি বর্ণিত হাদীসের সনদের রিজাল (পুরুষ পরম্পরা) বেশী শক্তিশালী। কারণ ইমাম আবু হানীফা রহমাতুল্লাহি আলাইহি এর হাদীস বর্ণনাকারীগণ ফকীহ ছিলেন। জুহরী রহমাতুল্লাহি আলাইহি এর হাদীস বর্ণনাকারীগণ ফকীহ ছিলেন না। হযরত আবু হানীফা রহমাতুল্লাহি আলাইহি এর হাদীস বর্ণনাকারী রাবী ফকীহ হওয়ার কারণে তার বর্ণনা প্রধান্য লাভ করে। অবশ্য আওজায়ী রহমাতুল্লাহি আলাইহি এর বর্ণিত হাদীস সনদ হিসেবে উত্তম বিবেচিত হয়।

যিনি যে বিষয়ে পারদর্শী তার কথাই ঐ বিষয়ে গ্রহণযোগ্য হবে। এখানে ইমাম আওজায়ী রহমাতুল্লাহি আলাইহি ইমাম আবু হানীফা রহমাতুল্লাহি আলাইহি এর সাথে তর্কে লা জাওয়াব (নির্বাক) হয়ে যান।

ইমাম তহাবী রহমাতুল্লাহি আলাইহি ও ইমাম বায়হাকী রহমাতুল্লাহি আলাইহি হযরত হাছান রাদিয়াল্লাহু তাআলা আনহু ও ইবনে ওয়ায়েল রাদিয়াল্লাহু তাআলা আনহু থেকে ছহীহ তারা আছওয়াদ থেকে সনদে বর্ণনা করেন, “আমি হযরত ওমর বিন খাত্তাব রাদিয়াল্লাহু তাআলা আনহু কে একমাত্র প্রথম তাকবীরে (তাকবীরে তাহরীমায়) হাত উঠাতে দেখেছি। পরে তা থেকে তিনি আর ফিরে আসেন নি”। (আমৃত্যু এই আমলই করেছেন)।

বর্ণিত বর্ণনা দ্বারা প্রমাণিত হলো যে, যদিও রফউল ইয়াদাঈন নবী করীম সাল্লাল্লাহু আলাইহি ওয়া সাল্লাম প্রথম যুগে করেছেন। পরবর্তিতে তা করেন নি; কাজেই বহু হাদীস পক্ষে ও বিপক্ষে আছে। তবে এক্ষেত্রে নবী করীম সাল্লাল্লাহু আলাইহি ওয়া সাল্লাম যা পরবর্তিতে করেছেন তাই চূড়ান্ত ও সঠিক দলীল হিসাবে গৃহীত হবে।

দেখুন ভাইয়েরা! পাকভারত উপমহাদেশের প্রখ্যাত আলেম-উলামা, পীর-মাশায়খ যারা ছিলেন, যেমনঃ শাহ ওয়ালি উল্লাহ মুহাদ্দিসে দেহলবী রহমাতুল্লাহি আলাইহি, শাহ আবদুল আজিজ দেহলবী রহমাতুল্লাহি আলাইহি, শাহ আবদুর রহীম দেহলবী সাহেব, শাহ আবদুল হক মুহাদ্দিসে দেহলবী রহমাতুল্লাহি আলাইহি, কাজী ছানাউল্লাহ পানিপথী রহমাতুল্লাহি আলাইহি, মোস্তা জীবন রহমাতুল্লাহি আলাইহি, খাজা মুঈনুদ্দীন চিশতী রহমাতুল্লাহি আলাইহি, ইমাম আহমদ রেজা খান বেরলবী রহমাতুল্লাহি আলাইহি সহ সকলেই মাযহাবের অনুসারী ছিলেন। (এই সালাফিদের মতে তারা সকলেই বিদয়াতী ছিলেন; নাউযুবিল্লাহি মিন যালিক)।

পাঠক ভাইয়েরা তারা যদি মাযহাব মেনে আল্লাহ ও রাসূলকে পেয়ে চির স্মরণীয় হয়ে থাকেন, তাহলে আমরা নব্য সালাফি জামাতের ফাঁদে পড়ার প্রয়োজন আছে কি? কাজেই উল্লেখিত ওলি-আউলিয়াগণের পথে আল্লাহ পাক আমাদেরকে থাকার তাওফীক দান করুন, আমীন!

মাগরিবের আযানের পর দুই রাকাত

নফল নামাজ

পাঠক ভাইয়েরা! কোন কোন জায়গায় দেখা যায় কেউ কেউ মাগরিবের আযানের পর তড়িৎ গতিতে দুই রাকাত নফল নামাজ পড়েন। এই প্রেক্ষাপটে সংক্ষিপ্ত আলোচনা পেশ করা হলো।

১। তিরমিযী শরীফে ৪৫ পৃষ্ঠায় উল্লেখ রয়েছেঃ

عَنِ النَّبِيِّ صَلَّى اللَّهُ تَعَالَى عَلَيْهِ وَسَلَّمَ قَالَ بَيْنَ كُلِّ إِذَائِينَ صَلَاةٍ.

অর্থঃ নবী করীম সাল্লাল্লাহু আলাইহি ওয়া সাল্লাম ইরশাদ করেন, আযান ও ইকামাত এর মধ্যবর্তী সময়ে নামাজ রয়েছে।

এই নিয়ে সাহাবায়ে কেরমগণের মধ্যে মতভেদ সৃষ্টি হয়েছে যে, মাগরিবের পূর্বে নামাজ পড়া যায় কিনা? অনেক সাহাবী ঐ সময় (মাগরিবের পূর্বে) নামাজ না পড়ার পক্ষে মত প্রদান করেন। হযরত আবু হানীফা রহমাতুল্লাহি আলাইহিও এই মত পোষণ করেন এবং তিনি বলেন মাগরিবের আযানের পর ফরজ নামাজের পূর্বে নফল নামাজ পড়া মাকরুহ।

২। ইমাম আবু হানীফা রহমাতুল্লাহি আলাইহি হাদীস পেশ করেনঃ

عَنْ بُرَيْدَةَ السَّلْمِيِّ أَنَّ النَّبِيَّ صَلَّى اللَّهُ تَعَالَى عَلَيْهِ وَسَلَّمَ وَ أَبَا بَكْرٍ رَضِيَ اللَّهُ تَعَالَى عَنْهُ وَ عُمَرَ رَضِيَ اللَّهُ تَعَالَى عَنْهُ لَمْ يُصَلُّوهَا.

অর্থঃ হযরত বুয়ায়দা রাদিয়াল্লাহু আনহু থেকে বর্ণিত, নবী করীম সাল্লাল্লাহু আলাইহি ওয়া সাল্লাম, হযরত আবু বকর রাদিয়াল্লাহু তাআলা আনহু ও হযরত ওমর রাদিয়াল্লাহু তাআলা আনহু এ ধরণের নামাজ পড়েন নাই।

৩। হযরত ইবনে ওমর রাদিয়াল্লাহু আনহু থেকে হাদীস রয়েছেঃ

مَا رَأَيْتُ أَحَدًا أَنْ يُصَلِّيَهَا.

অর্থঃ (হযরত ইবনে ওমর রাদিয়াল্লাহু আনহু বলেন), আমি (নবী করীম সাল্লাল্লাহু আলাইহি ওয়া সাল্লাম এর যুগে মাগরিবের আযানের পর ফরজের পূর্বে নফল) এ নামাজ পড়তে কাউকে দেখি নাই।

এতে প্রমাণিত হয় যে, ইসলামের প্রথম যুগে হয়তো ইহা ছিল। কিন্তু পরবর্তীতে তা রহিত হয়ে যায়।

৪। আর একটি হাদীসে বর্ণনা রয়েছেঃ

وَلَيْ مُسْتَدْبِرًا بَيْنَ كُلِّ صَلَاةٍ إِلَّا الْمَغْرِبَ.

অর্থঃ মুসনাদে বাজ্জার শরীফে আছে, প্রত্যেক দুই আযান ও ইকামাতের মধ্যবর্তী সময়ে নফল নামাজ আছে; তবে মাগরিব ব্যতিত।

ইবনে বাজ্জার রহমাতুল্লাহি আলাইহি ও ইবনে শাহিন রহমাতুল্লাহি আলাইহি 'নাছেখ ও মানছুখ' এর কিতাবে উল্লেখ করেছেন যে, উক্ত (প্রত্যেক আযান ও ইকামাতের মাঝে নফল নামাজ আছে) হাদীসটি মানছুখ (রহিত)। আর নাছেখ (রহিতকারী) হলো এই হাদীসটি (যাতে 'إِلَّا الْمَغْرِبَ')

'মাগরিব ব্যতিত') কথাটি উল্লেখ হয়েছে।

বর্ণিত বর্ণনা দ্বারা এটাই প্রতীয়মান হলো যে, আযান ও ইকামাতের মধ্যবর্তী সময়ে নামাজ পড়া যাবে না। কাজেই দুই এক জায়গায় গিয়ে উক্ত নামাজ পড়ে মুসল্লিদের মধ্যে চমক দেখানো ঠিক হবে না; এর দ্বারা ইসলামকে ফেতনা ফাসাদের দিকে ঠেলে দেয়া হয়। বহু পূর্বেই এর ফায়সালা হয়েছে, নতুন কিছু আবিষ্কার করে ফেতনা সৃষ্টি করা ঠিক হবে না।

দেখুন পাঠক ভাইয়েরা! পাক ভারত উপমহাদেশের মহা জ্ঞানী ব্যক্তিগণ যাদের তুল্য বর্তমানে কেহই নেই, তাঁরা যদি মাযহাব মান্য করতে পারেন তাহলে অল্প বিদ্যার ধারক হয়ে মাযহাব মান্য করব না বলা হাস্যকর নয়কি? অথচ তাদের লিখিত কিতাব পড়ে আমরা নিজেদেরকে মুফাচ্ছির, মুহাদ্দিস, মুফতী দাবী করছি। আমাদের পূর্ব পুরুষ যারা

মাযহাবী ছিলেন, তাদের কি অবস্থা হবে আশেরাতে, তারা কী একটু ভেবে দেখেছেন?

শাহ ওয়ালি উল্লাহ মুহাদ্দিসে দেহলবী রহমাতুল্লাহি আলাইহি তার লিখিত 'হুজ্জাতুল্লাহিল বালোগা' নামক কিতাবে উল্লেখ করেনঃ

اعْلَمُ أَنَّ الْأَخْذَ بِهَذِهِ الْمَذَاهِبِ الْأَرْبَعَةِ فِيهِ مُصْلِحَةٌ عَظِيمَةٌ وَ الْإِغْرَاضُ عَنْهَا مُفْسَدَةٌ عَظِيمَةٌ.

অর্থঃ জেনে রাখ! নিশ্চয় এই মাযহাব চতুষ্টয় মান্য করার মধ্যে অনেক মঙ্গল নিহিত আছে; আর এর থেকে ফিরে যাওয়ায় চরম বিপর্যয় ডেকে আনবে।

যুগবরণ্য মুহাদ্দিস হয়েও তিনি তা না হানাকী মাযহাব অনুসরণ করতেন।

বিত্র নামাজ তিন রাকাত

পাঠক ভাইয়েরা আদিকাল থেকে আমরা ৩ রাকাত বিত্রের নামাজ আদায় করছি, যা নিয়ে কোন বিতর্ক নেই; কিন্তু বর্তমানে আত্মপ্রকাশ করা একটি গোষ্ঠীর মতে বিত্র নামাজ এক রাকাত। তাই সহীহ হাদীস থেকে এর সঠিক সমাধান দেয়ার চেষ্টা করছি। আশা করি জ্ঞানবান ব্যক্তিগণের জন্য অত্যন্ত ফলপ্রসূ হবে।

১। ছহীহ নাছাঈ শরীফ, ১৪৮ পৃষ্ঠায় আছেঃ

عَنْ عَائِشَةَ رَضِيَ اللَّهُ تَعَالَى عَنْهَا قَالَتْ مَا كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَ سَلَّمَ يَزِيدُ فِي رَمَضَانَ وَ لَا غَيْرِهِ عَلَى أَحَدٍ عَشْرَ رَكْعَةٍ يُصَلِّي أَرْبَعًا فَلَا تَسْأَلُنِي عَنْ حُسْنِهِنَّ وَ طَوْلِهِنَّ ثُمَّ يُصَلِّي أَرْبَعًا فَلَا تَسْأَلُنِي عَلَى حُسْنِهِنَّ وَ طَوْلِهِنَّ ثُمَّ يُصَلِّي ثَلَاثًا.

অর্থঃ হযরত আয়েশা রাদিয়াল্লাহু তাআলা আনহু থেকে বর্ণিত নবী করীম সাল্লাল্লাহু আলাইহি ওয়া সাল্লাম রমজান ও অন্য সময়ে এগারো রাকাতের বেশি নামাজ পড়তেন না, প্রথমে চার রাকাত পরে আরো চার রাকাত অত্যন্ত সুন্দর ও দীর্ঘ সময়ে আদায় করতেন; অতঃপর ৩ রাকাত বিত্রের নামাজ পড়তেন।

২। ছহীহ নাসাঈ শরীফ, ২৪৯ পৃষ্ঠায় আরো রয়েছেঃ

عَنْ ابْنِ عَبَّاسٍ رَضِيَ اللَّهُ تَعَالَى عَنْهُ قَالَ كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَ سَلَّمَ يُوتِرُ بِثَلَاثٍ يَقْرَأُ فِي الْأُولَى مَبْحِ اسْمِ رَبِّكَ الْأَعْلَى وَ فِي الثَّانِيَةِ قُلْ يَا أَيُّهَا الْكَافِرُونَ وَ فِي الثَّلَاثَةِ قُلْ هُوَ اللَّهُ أَحَدٌ.

অর্থঃ হযরত ইবনে আব্বাস হতে বর্ণিত, নবী করীম সাল্লাল্লাহু আলাইহি ওয়া সাল্লাম তিন রাকাত বিত্রের নামাজ আদায় করতেন। প্রথম

রাকাতে সূরায়ে আলা, দ্বিতীয় রাকাতে সূরায়ে কাফিরুন, তৃতীয় রাকাতে সূরায়ে ইখলাস পাঠ করতেন।

৩। ছহীহ নাসাঈ শরীফ ২৪৮ পৃষ্ঠায় আরো উল্লেখ আছেঃ

عَنْ أَبِي بِنِ كَعْبٍ رَضِيَ اللَّهُ تَعَالَى عَنْهُ أَنَّ رَسُولَ اللَّهِ صَلَّى اللَّهُ تَعَالَى عَلَيْهِ وَسَلَّمَ كَانَ يُوتِرُ بِثَلَاثٍ.

অর্থঃ হযরত উবাই ইবনে কা'ব রাদিয়াল্লাহু তাআলা আনহু থেকে বর্ণিত, নবী করীম সাল্লাল্লাহু আলাইহি ওয়া সাল্লাম বিত্বরের নামাজ ৩ রাকাত পড়তেন।

৪। ছহীহ তিরমিযী শরীফ ১০৬ পৃষ্ঠায় রয়েছেঃ

بَابُ مَا فِي الْوَيْتْرِ بِثَلَاثٍ: عَنْ عَلِيٍّ رَضِيَ اللَّهُ تَعَالَى عَنْهُ قَالَ كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَسَلَّمَ يُوتِرُ بِثَلَاثٍ.

অর্থঃ তিন রাকাত বিতির নামাজের অধ্যায়ঃ হযরত আলী রাদিয়াল্লাহু তাআলা আনহু থেকে বর্ণিত, তিনি বলেন: নবী করীম সাল্লাল্লাহু আলাইহি ওয়া সাল্লাম ৩ রাকাত বিত্বরের নামাজ পড়তেন।

৫। নাসাঈ শরীফ আরো উল্লেখ আছেঃ

عَنْ عَائِشَةَ رَضِيَ اللَّهُ تَعَالَى عَنْهَا قَالَتْ كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَسَلَّمَ يُوتِرُ بِثَلَاثٍ وَلَا يُسَلِّمُ إِلَّا فِي آخِرِهِنَّ.

অর্থঃ হযরত আয়েশা রাদিয়াল্লাহু তাআলা আনহা থেকে বর্ণিত, নবী করীম সাল্লাল্লাহু আলাইহি ওয়া সাল্লাম ৩ রাকাত বিত্বরের নামাজ পড়তেন; শেষ রাকাত ছাড়া সালাম ফিরাতেন না।

৬। জগৎ বিখ্যাত 'মুস্তাদরাকে হাকিম শরীফে' আছেঃ

عَنْ عَائِشَةَ رَضِيَ اللَّهُ تَعَالَى عَنْهَا قَالَتْ كَانَ رَسُولُ اللَّهِ صَلَّى اللَّهُ تَعَالَى عَلَيْهِ وَ سَلَّمَ يُوتِرُ بِثَلَاثٍ وَ لَا يُسَلِّمُ إِلَّا فِي آخِرِهِمْ.

অর্থঃ হযরত আয়েশা রাদিয়াল্লাহু তাআলা আনহা থেকে বর্ণিত, নবী করীম সাল্লাল্লাহু আলাইহি ওয়া সাল্লাম বিত্বরের নামাজ ৩ রাকাত আদায় করতেন এবং সর্ব শেষ রাকাতে সালাম ফিরাতেন।

৭। নাসাই শরীফ ২৪৮ পৃষ্ঠায় আরো রয়েছেঃ

عَنْ سَعِيدِ بْنِ هِشَامٍ أَنَّ عَائِشَةَ رَضِيَ اللَّهُ تَعَالَى عَنْهَا حَدَّثَتْهُ أَنَّ رَسُولَ اللَّهِ صَلَّى اللَّهُ تَعَالَى عَلَيْهِ وَ سَلَّمَ كَانَ لَا يُسَلِّمُ فِي رَكْعَتِ الْوَيْتْرِ.

অর্থঃ হযরত সাঈদ বিন হিশাম রহমাতুল্লাহি আলাইহি থেকে বর্ণিত, হযরত আয়েশা রাদিয়াল্লাহু তাআলা আনহা তাকে হাদীস বর্ণনা করেন যে, তিন রাকাত বিত্বরের নামাজে নবী করীম সাল্লাল্লাহু আলাইহি ওয়া সাল্লাম দ্বিতীয় রাকাতে সালাম ফিরাতেন না।

৮। আবু দাউদ শরীফ ১১৯ পৃষ্ঠায় টিকাতে রয়েছেঃ

أَخْرَجَ الطَّحَاوِيُّ مِنْ طَرِيقِ عْتَبَةَ بْنِ مُسْلِمٍ سَأَلَتْ عَنْ عَبْدِ اللَّهِ بْنِ عُمَرَ رَضِيَ اللَّهُ تَعَالَى عَنْهُ عَنِ الْوَيْتْرِ فَقَالَ أَتَعْرِفُ وَتَرِ النَّهَارِ قُلْتُ نَعَمْ صَلَاةَ الْمَغْرِبِ فَقَالَ صَدَّقْتَ وَ أَحْسَنْتَ.

অর্থঃ হযরত ইমাম তহাবী রহমাতুল্লাহি আলাইহি উত্বা ইবনে মুসলিমের ধারাবাহিকতায় বর্ণনা করেন যে, আমি হযরত আবদুল্লাহ বিন ওমর রাদিয়াল্লাহু তাআলা আনহু কে বিত্বর নামাজ সম্পর্কে প্রশ্ন করি; তিনি বলেন: তুমি কি দিনের বিত্বর সম্পর্কে কিছু জান? আমি বললাম: হ্যাঁ, (তা হলো) মাগরিবের নামাজ। তিনি বলেন: তুমি খুব সুন্দর ও সত্য কথা বলেছ।

৯। আবু দাউদ শরীফের টিকায় আরো রয়েছেঃ

أَخْرَجَ الطَّبَاوِيُّ مِنْ طَرِيقِ أَبِي الْعَالِيَةِ عَلَمَنَا أَصْحَابُ رَسُولِ اللَّهِ صَلَّى اللَّهُ تَعَالَى عَلَيْهِ وَسَلَّمَ أَنَّ الْوِثْرَ مِثْلَ صَلَاةِ الْمَغْرِبِ هَذَا وَثُرُ النَّهَارِ وَ هَذِهِ وَثُرُ اللَّيْلِ.

অর্থঃ ইমাম তহাবী রহমাতুল্লাহি আলাইহি আবুল আলিয়া রহমাতুল্লাহি আলাইহি এর ধারাবাহিকতায় বর্ণনা করেন যে, সাহাবায়ে কেলাম রাদিয়াল্লাহু তাআলা আনহুম আমাদেরকে বিত্ৰ সম্পর্কে শিক্ষা দেন যে, বিত্ৰ মাগরিবের নামাজের মতো; ইহা দিনের বিত্ৰ আর উহা রাতের বিত্ৰ।

বর্ণিত হাদীস সমূহ দ্বারা এটাই প্রমাণিত যে বিত্ৰ ৩ রাকাত এবং ৩ রাকাতে কি কি সূরা পাঠ করা হবে তাও তিনি ইরশাদ করেন। ৩ রাকাত বিত্ৰের নামাজ এতে আর কোন সন্দেহ রইল না। এক রাকাতের কোন সহীহ রেওয়াজ নেই। যা কিছু আছে তার মধ্যে নানা জটিলতা বিদ্যমান। তাই দিনের সূর্যের আলোর ন্যায় ইহা সুস্পষ্টভাবে প্রমাণিত হলো যে, বিত্ৰের নামাজ ৩ রাকাত।

এক রাকাতের হাদীসসমূহের ব্যাখ্যা

১. সহীহ বোখারী শরীফ ১৩৫ পৃষ্ঠায় আছেঃ

وَعَنْ ابْنِ عُمَرَ رَضِيَ اللَّهُ تَعَالَى عَنْهُ أَنَّ رَجُلًا سَأَلَ رَسُولَ اللَّهِ صَلَّى اللَّهُ تَعَالَى عَلَيْهِ وَسَلَّمَ عَنْ صَلَاةِ اللَّيْلِ فَقَالَ رَسُولُ اللَّهِ صَلَّى اللَّهُ تَعَالَى عَلَيْهِ وَسَلَّمَ صَلَاةُ اللَّيْلِ مِثْلُ صَلَاةِ النَّهَارِ وَ هَذِهِ وَثُرُ اللَّيْلِ وَ هَذِهِ وَثُرُ النَّهَارِ وَ هَذِهِ وَثُرُ اللَّيْلِ.

অর্থঃ হযরত আবদুল্লাহ বিন ওমর রাদিয়াল্লাহু তাআলা আনহু থেকে বর্ণিত, এক ব্যক্তি নবী করীম সাল্লাল্লাহু আলাইহি ওয়া সাল্লামকে জিজ্ঞাসা করল রাতের নামাজ সম্পর্কে, নবী করীম সাল্লাল্লাহু আলাইহি ওয়া

সিরাতে মুস্তাকীম # ৪৭

সাল্লাম ইরশাদ করেন, রাতের নামাজ দুই দুই রাকাত করে। যদি এভাবে নামাজ পড়তে পড়তে কারো সুবহে সাদেক হয়ে যাওয়ার ভয় হয়, তাহলে সে এক রাকাত বিত্ব পড়ে নেবে।

মূলত এখানে রাতের নামাজের (তাহাজ্জুদের) কথা বলা হয়েছে। তবে কেহ রাতে নামাজ (তাহাজ্জুদ) পড়া অবস্থায় ফজর উদিত হওয়ার ভয় থাকলে তৎসঙ্গে আরো এক রাকাত পড়ে নিবে। ইহা সাধারণ (ব্যাপক) হুকুম নয়।

উল্লেখ থাকে যে, এক রাকাত মিলানোর কথা বলা হয়েছে এজন্য, যেহেতু পূর্বে দুই দুই রাকাত করে (জোড় জোড়) হয়েছে; সময় স্বল্পতা হেতু অন্তত এক রাকাত মিলালেও সব মিলিয়ে বিত্ব (বিজোড়) হবে।

স্মর্তব্য যে, বিত্ব ১, ৩, ৫, ৭, ৯, ১১ ও ১৩ রাকাতের কথা বর্ণিত আছে। যারা এক রাকাত মান্য করেন, তারা বাকি রেওয়াজাতগুলোর কি জবাব দেবেন? (তারা কখনো সেগুলো আমল করেন কি)?

২. মোল্লা আলী ক্বারী রহমাতুল্লাহি আলাইহি মিরকাত শরহে মিশকাত শরীফে বলেন যে, হযরত ইমাম তহাবী রহমাতুল্লাহি আলাইহি বিভিন্ন সনদে হযরত আবু আইয়ুব রাদিয়াল্লাহু তাআলা আনহু থেকে বর্ণনা করেন যে, বিত্ব সত্য ও হক; যে কেউ ইচ্ছা করে ৫ রাকাত, ৩ রাকাত, পড়তে চাইলে পড়তে পারবে। অতঃপর তিনি আরো বলেন, যেহেতু ৩ রাকাতের উপর এজমা' হয়েছে এখন আর অন্য দিকে যাওয়ার সুযোগ রইলো না।

৩. ইমাম নাসাঈ রহমাতুল্লাহি আলাইহি হযরত আবু সাঈদ খুদরী রাদিয়াল্লাহু তাআলা আনহু থেকে বর্ণনা করেন যে, নবী করীম সাল্লাল্লাহু আলাইহি ওয়া সাল্লাম এক রাকাত বিত্ব নামাজ পড়তে নিষেধ করেছেন।

৪. হযরত আবদুল্লাহ বিন মাসউদ রাদিয়াল্লাহু তাআলা আনহু থেকে বর্ণিত, বিত্ব এক রাকাত পড়লে যথাযথ হবে না।

যাহোক ইসলামের প্রথম যুগে বিত্ৰ এক রাকাত থেকে তের রাকাত পড়ার বর্ণনা পাওয়া যায়। পরবর্তীতে ৩ রাকাতের উপর এজমা' (একমতা) হয়েছে। তাই এই নিয়ে নতুন ঝামেলা পাকানো আলেম ওলামা এবং মুসল্লীগণের কাম্য নয়। সুতরাং হানাফী মাযহাব মোতাবেক বিত্ৰ ৩ রাকাত পড়া অতি উত্তম। আল্লাহ পাক আমাদেরকে তাওফিক দান করুন। আমীন!

---o---

নামাযের পর দো'আ প্রসঙ্গ

পাঠক ভাইয়েরা বর্তমানে একশ্রেণীর লোক বের হয়েছে যারা যে কোন দোয়ার বিপক্ষে; তাদের মতে দোয়া বলতে কিছুই নাই। এমন কি তারা নামাজের পরে দো'আ করাকে ঘৃণ্যভাবে দেখে। কাজেই তাদের এই কুসংস্কার থেকে সরলমনা মুসলমানগণকে জাগ্রত করাই কাম্য। তাই নিম্নে বিস্তারিত আলোচনা প্রমাণাদিসহ পেশ করলাম।

কুরআন করীমের আলোকে দো'আ

১। আল্লাহ পাক ইরশাদ করেনঃ

هُنَالِكَ دَعَا زَكَرِيَّا رَبَّهُ.

অর্থঃ তৎক্ষণাৎ সেথায় যাকারিয়া আলাইহিস সালাম তাঁর রবের নিকট দো'আ করলেন। (সূরাঃ আলে ইমরান, আয়াতঃ ৩৮)।

হযরত মরিয়ম আলাইহাস সালাম এর লালন পালনের দায়িত্বে ছিলেন হযরত যাকারিয়া আলাইহিস সালাম। একদা তিনি তার কক্ষে অসময়ের ফল দেখতে পেয়ে জিজ্ঞেস করলেন: এগুলো কোথেকে? মরিয়ম আলাইহাস সালাম বললেন: এগুলো আল্লাহ দিয়েছেন আর তিনি দেয়ার জন্য মৌসুমের প্রয়োজন হয়না। এমতাবস্থায় ঐ মেহরাবেই তিনি মহান

আব্বাহ ভায়ালার দরবারে দো'আ করেন, যেন তাকে একটি পুত্র সন্তান দান করা হয়। এখানে হযরত যাকারিয়া আলাইহিস সালাম আব্বাহর নিকট ছেলে সন্তান চেয়ে দোয়া করেন।

২। কুরআনুল কারীমে রয়েছেঃ

رَبَّنَا تَقَبَّلْ مِنَّا إِنَّكَ أَنْتَ السَّمِيعُ الْعَلِيمُ.

অর্থঃ হে আমাদের রব! আমাদের থেকে আপনি এই খেদমত কবুল করুন; নিশ্চয় আপনি আমাদের দো'আ শুনেন এবং পূর্ণ অবগত আছেন। (সূরাঃ বাকারা, আয়াতঃ ১২৭)।

হযরত ইব্রাহিম আলাইহিস সালাম যখন কাবা ঘর নির্মাণ সমাপ্ত করেন তখন এই দো'আ করেন।

৩। আল কুরআনে আরো আছেঃ

رَبَّنَا ظَلَمْنَا أَنفُسَنَا وَإِن لَّمْ تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ.

অর্থঃ হে আমাদের রব! আমরা আমাদের নফসের উপর অন্যায় করেছি; যদি আপনি আমাদেরকে ক্ষমা না করেন ও রহমত না করেন তাহলে আমরা ক্ষতি গ্রস্তদের মধ্যে অন্তর্ভুক্ত হয়ে যাব। (সূরাঃ আ'রাফ, আয়াতঃ ২৩)।

হযরত বাবা আদম আলাইহিস সালাম বেহেশত থেকে বের হয়ে মহান রব্বুল আলামীনের দরবারে এই দো'আ করেন।

৪। আল কুরআনে আরো বর্ণিত আছেঃ

ادْعُوا رَبَّكُمْ تَضَرُّعًا وَخُفْيَةً.

অর্থঃ তোমরা তোমাদের রবের নিকট অত্যন্ত নম্রতা সহকারে ও গোপনীয়ভাবে দো'আ কর। (সূরাঃ আরাফ, আয়াতঃ ৫৫)।

দেখুন মহান আব্বাহ পাক তার বান্দাকে নিজেই দো'আর আদব শিক্ষা দিয়েছেন।

৫। আল কুরআনে বর্ণিত আছেঃ

فَإِذَا فَرَغْتَ فَانصَبْ.

অর্থঃ যখন (নামাজ থেকে) অবসর হবে, তখনই তোমরা (দো'আয়) লিখ হয়ে যাবে। (সূরাঃ ইনশিরাহ, আয়াতঃ ৭)।

প্রত্যেক নামাজের পর দোয়া কবুল হয়। এ মর্মে আল্লাহ পাক অত্র আয়াতে এরূপ ইরশাদ করেন, যার ব্যাখ্যা তাফসীরে জালালাইন শরীফে যথাযথভাবে উপস্থাপিত হয়েছে।

৬। আল কুরআনে আরো আছেঃ

أَدْعُونِي أَسْتَجِبْ لَكُمْ.

অর্থঃ তোমরা আমার নিকট দোয়া ও প্রার্থনা কর, আমি তোমাদের সকল দোয়া কবুল করব। (সূরাঃ মুমিনুন, আয়াতঃ ৬০)।

এখানে সময় ও স্থানের কথা উল্লেখ করা হয় নাই। তাই শুভ কাজের প্রারম্ভে, সমাপ্তিতে, আহার-পানাহার কালে ও পরে, ইফতারের সময়, ফরজ নামাজের পর সহ আরো বহু স্থানে দোয়া আছে। এখানে সংক্ষেপে আলোচনা করলাম।

পাঠক ভাইয়েরা বর্ণিত ৬টি আয়াতে কারীমা দ্বারা দো'আ প্রামাণিত। যারা বলে বেড়ায় দো'আ কুরআনে নেই, তারা যেন প্রক্ষান্তরে কুরআনকে অমান্য করে।

হাদীস শরীফের আলোকে দো'আ

১। তিরমিযী শরীফ, ২য় খন্ড, ১৭৫ পৃষ্ঠায় রয়েছেঃ

عَنْ أَبِي هُرَيْرَةَ رَضِيَ اللَّهُ تَعَالَى عَنْهُ عَنِ النَّبِيِّ صَلَّى اللَّهُ تَعَالَى عَلَيْهِ وَسَلَّمَ قَالَ لَيْسَ شَيْءٌ أَكْرَمَ عَلَى اللَّهِ مِنَ الدُّعَاءِ.

অর্থঃ হযরত আবু হুরায়রা রাদিয়াল্লাহু তাআলা আনহু থেকে বর্ণিত, নবী করীম সাল্লাল্লাহু আলাইহি ওয়া সাল্লাম ইরশাদ করেন আল্লাহর নিকট সবচেয়ে বেশি পছন্দনীয় হলো দো'আ।

অর্থাৎ বান্দা তাঁর নিকট দো'আ করলে তিনি অত্যন্ত সন্তুষ্ট ও খুশি হন।

২। তিরমিযী শরীফ আরো উল্লেখ রয়েছেঃ

عَنْ أَنَسٍ رَضِيَ اللَّهُ تَعَالَى عَنْهُ عَنِ النَّبِيِّ صَلَّى اللَّهُ تَعَالَى عَلَيْهِ وَ سَلَّمَ الدُّعَاءُ مَخُ الْعِبَادَاتِ .

অর্থঃ হযরত আনাস বিন মালেক রাদিয়াল্লাহু তাআলা আনহু থেকে বর্ণিত, তিনি নবী করীম সাল্লাল্লাহু আলাইহি ওয়া সাল্লাম থেকে বর্ণনা করেন যে, সকল ইবাদতের মূল হচ্ছে দো'আ।

এখানে দো'আকে ইবাদতের মূল বলা হয়েছে। তাই দো'আও এক প্রকার ইবাদাত বলে প্রতীয়মান হলো।

৩। সহীহ তিরমিযী শরীফে আরো রয়েছেঃ

بَابُ الدُّعَاءِ عِنْدَ الْأَكْلِ: قَالَ رَسُولُ اللَّهِ صَلَّى اللَّهُ تَعَالَى عَلَيْهِ وَ سَلَّمَ مَنْ أَطْعَمَ اللَّهُ طَعَامًا فَلْيَقُلْ اللَّهُمَّ بَارِكْ لَنَا فِيهِ وَ أَطْعِمْنَا خَيْرًا مِنْهُ

অর্থঃ আহার কালে দো'আ পড়া অধ্যায়ঃ নবী করীম সাল্লাল্লাহু আলাইহি ওয়া সাল্লাম ইরশাদ করেন, যাকে আল্লাহ পাক আহার করায়, সে যেন এই দো'আ পড়ে আহার করেঃ হে আল্লাহ! আমাদের খাদ্যে বরকত দিন এবং এর চেয়ে ভাল খাবার আমাদের নসিব করুন।

দেখুন আহারের প্রারম্ভে দোয়া আছে। যা নবী করীম সাল্লাল্লাহু আলাইহি ওয়া সাল্লাম থেকে বর্ণিত। সালাফীরা বলে বেড়ায় পানাহারের আগে পরে দো'আ নেই, এখন তাদের কথা মান্য করব? না কি রাসূল পাক সাল্লাল্লাহু আলাইহি ওয়া সাল্লাম এর হাদীস শরীফ মান্য করব?

৪। তিরমিযী শরীফে রয়েছেঃ

بَابُ الدُّعَاءِ إِذَا فَرَّغَ مِنَ الطَّعَامِ: عَنْ أَبِي أَمَامَةَ رَضِيَ اللَّهُ تَعَالَى عَنْهُ قَالَ إِذَا رُفِعَتِ الْمَائِدَةُ مِنْ بَيْنِ يَدَيْهِ يَقُولُ الْحَمْدُ لِلَّهِ حَمْدًا كَثِيرًا طَيِّبًا مُبَارَكًا فِيهِ.

অর্থঃ আহারের পর দো'আ পড়া অধ্যায়ঃ হযরত আবু উমামা রাদিয়াল্লাহু আনহু থেকে বর্ণিত তিনি বলেন নবী করীম সাল্লাল্লাহু আলাইহি ওয়া সাল্লাম এর সম্মুখ থেকে যখন দস্তরখানা তুলে নেয়ার সময় হতো তখন তিনি এই দো'আ পড়তেন, "সকল প্রশংসা আল্লাহর জন্য, আরো বরকত পূতঃপবিত্র প্রশংসা তার জন্য করছি"।

দেখুন ভাইয়েরা খাওয়ার আগে ও পরে কত বরকতময় দোয়া নবী করীম সাল্লাল্লাহু আলাইহি ওয়া সাল্লাম তাঁর উম্মতকে শিক্ষা দিয়েছেন। আর নব্য সালাফীরা কোন দোয়াই খুঁজে পায় না। তাই বলতে হয় তাদের কপাল মন্দ; সুতরাং তারা চোখ থাকতেও অন্ধ।

৫। বুখারী শরীফ ৯৩৮ পৃষ্ঠায় দো'আয় হাত উঠানো প্রসঙ্গে আছেঃ

قَالَ أَبُو مُوسَى رَضِيَ اللَّهُ تَعَالَى عَنْهُ دَعَا النَّبِيَّ صَلَّى اللَّهُ تَعَالَى عَلَيْهِ وَ سَلَّمَ ثُمَّ رَفَعَ يَدَيْهِ وَ رَأَيْتُ بَيَاضَ ابْطِينِهِ.

অর্থঃ হযরত আবু মুসা আশআরী রাদিয়াল্লাহু তাআলা আনহু থেকে বর্ণিত, হযরত নবী করীম সাল্লাল্লাহু আলাইহি ওয়া সাল্লাম দো'আ করতে গিয়ে দাস্ত (হস্ত) মোবারক এই পর্যন্ত উঠাতেন যে, আমরা তাঁর বগলের সাদা চমকটুকু দেখতে পেতাম।

৬। বোখারী শরীফ ৯৩৮ পৃষ্ঠায় দো'আয় হাত উঠানো যায় মর্মে হাদীসে উল্লেখ আছেঃ

قَالَ ابْنُ عُمَرَ رَضِيَ اللَّهُ تَعَالَى عَنْهُ رَفَعَ النَّبِيُّ صَلَّى اللَّهُ تَعَالَى عَلَيْهِ وَسَلَّمَ
قَالَ اللَّهُمَّ إِنِّي أَبْرَأُ إِلَيْكَ.

অর্থঃ হযরত আবদুল্লাহ ইবনে ওমর রাদিয়াল্লাহু তাআলা আনহু থেকে বর্ণিত নবী করীম সাল্লাল্লাহু আলাইহি ওয়া সাল্লাম দোয়ায় দুই হাত মোবারক উঠাতেন এবং বলতেনঃ হে আল্লাহ নিশ্চয় আমি সকল সম্পর্ক ছিন্ন করে আপনার কাছে ফিরে এলাম।

৭। সহীহ বোখারী শরীফে আরো উল্লেখ রয়েছেঃ

عَنْ أَنَسٍ رَضِيَ اللَّهُ تَعَالَى عَنْهُ رَفَعَ يَدَيْهِ حَتَّى رَأَيْتُ بَيَاضَ ابْطِينِهِ.

অর্থঃ হযরত আনাস রাদিয়াল্লাহু তাআলা আনহু নবী করীম সাল্লাল্লাহু আলাইহি ওয়া সাল্লাম থেকে বর্ণনা করেন যে, নবী করীম সাল্লাল্লাহু আলাইহি ওয়া সাল্লাম দোয়ায় হাত মোবারক উঠাতেন; এমনকি হাত তোলার কারণে তাঁর বগলের ধবধবে সাদা চমক পর্যন্ত দেখেছি।

৮। আবু দাউদ শরীফে রয়েছেঃ

عَنْ سَلْمَانَ رَضِيَ اللَّهُ تَعَالَى عَنْهُ عَنِ النَّبِيِّ صَلَّى اللَّهُ تَعَالَى عَلَيْهِ وَسَلَّمَ أَنَّ
رَبِّكُمْ كَرِيمٌ حَتَّى يَسْتَحْيِي مِنْ عِبَادِهِ أَنْ يَرْفَعَ يَدَيْهِ فَيَرُدَّهُمَا مُصْفَرًّا.

অর্থঃ হযরত ছালমান রাদিয়াল্লাহু তাআলা আনহু থেকে বর্ণিত তিনি বলেন যে, নবী করীম সাল্লাল্লাহু আলাইহি ওয়া সাল্লাম ইরশাদ করেন, নিশ্চয় আমাদের রব দয়ালু অত্যন্ত সন্ত্রমশীল, যখন কোন বান্দা তার নিকট হাত উঠায় উক্ত হাত খালি ফিরিয়ে দিতে তিনি লজ্জাবোধ করেন।

৯। আবু দাউদ শরীফে আরো রয়েছেঃ

عَنْ ابْنِ عَبَّاسٍ رَضِيَ اللَّهُ تَعَالَى عَنْهُ قَالَ قَالَ رَسُولُ اللَّهِ صَلَّى اللَّهُ تَعَالَى
عَلَيْهِ وَسَلَّمَ إِذَا دَعَوْتَ اللَّهَ فَادْعُوهُ بِالْخ

অর্থঃ হযরত আবদুল্লাহ ইবনে আব্বাস রাদিয়াল্লাহু তাআলা আনহু থেকে বর্ণিত, তিনি বলেন নবী করীম সাল্লাল্লাহু আলাইহি ওয়া সাল্লাম

ইরশাদ করেন, যখন তুমি আল্লাহর নিকট দো'আ কর তখন দুই হাতের হাতলী (তালু) বিছিয়ে (প্রসারিত করে) তার কাছে যা চাওয়ার তা চাও।

১০। তাফসীরে রুহুল বয়ান, ৮ম খন্ড, ২৭৩ পৃষ্ঠায় আছেঃ

عُرِفَ عَنِ الْمَسْحِ بِالْيَدَيْنِ عَلَى الْوَجْهِ عَقِبَ الدُّعَاءِ سُنَّةٌ وَ هُوَ الْأَصْحُ.

অর্থঃ সুম্পষ্ট বুঝা গেল যে দুই হাত মুখ মণ্ডলে মাছেহ করা সর্বদা দোয়ার পরে সনাত; এই মতই বিশ্বকৃতম।

বুঝা গেল যে, দো'আ আছে এবং দো'আর পরে মুখে হাত মাসেহ করা প্রমাণিত হলো।

১১। বোখারী শরীফে ৯৩৭ পৃষ্ঠায় আছেঃ

بَابُ الدُّعَاءِ بَعْدَ الصَّلَاةِ.

অর্থঃ নামাজের পর দো'আ অধ্যায়।

দেখুন শিরোনামেই দেখা যায় নামাজের পরই দো'আ আছে। শুধুমাত্র বোখারী শরীফ যাদের দলীল তারা এখন কি জবাব দেবেন?

১২। তিরমিযী শরীফ, ১৬৩ পৃষ্ঠায় আছেঃ

عَنْ أَبِي هُرَيْرَةَ رَضِيَ اللَّهُ تَعَالَى عَنْهُ أَنَّ النَّبِيَّ صَلَّى اللَّهُ تَعَالَى عَلَيْهِ وَ سَلَّمَ قَالَ إِذَا دَعَا أَحَدُكُمْ إِلَى الطَّعَامِ فَلْيَجِبْ فَإِنْ كَانَ صَائِمًا فَلْيُصَلِّ يَغْنَى الدُّعَاءَ.

অর্থঃ হযরত আবু হুরায়রা রাদিয়াল্লাহু তাআলা আনহু থেকে বর্ণিত, নবী করীম সাল্লাল্লাহু আলাইহি ওয়া সাল্লাম ইরশাদ করেন, যদি কাউকে পানাহারের দাওয়াত দেয়া হয় তখন সে দাওয়াত কবুল করে। যদি সে রোজাদার হয় তবে দো'আ করবে অর্থাৎ আহলে ত্ব'আম (মেজবান) এর জন্য বরকত ও মাগফিরাতের দো'আ করবে।

এর দ্বারা ইফতারের পূর্বে দো'আ করার প্রমাণ পাওয়া যায়। সারা দিনভর রোজা রেখে আল্লাহর হুকুম পালন করে তা কবুলের জন্য দো'আ

করে ইফতার করা কতই উত্তম। তাই ইফতারের পূর্বে দো'আ করে ইফতার করলে গোনাহ মাফ হবে ও আল্লাহর মাহবুব বান্দা হওয়ার পথ সহজ হবে।

১৩। তাফসীরে রুহুল বয়ানে আরো আছে যে, দো'আয় হাত উঠানো মোস্তাহাব এবং হাত বজ্রা বরাবর উঠাবে।

১৪। রুহুল বয়ানে হযরত কাতাদা রাদিয়াল্লাহু তাআলা আনহু ও দাহহাক রহমাতুল্লাহি আলাইহি বলেছেন, যখন নামাজ থেকে ফারেগ (অবসর) হবে তখন দো'আ করবে।

পাঠক ভাইয়েরা! কুরআনে করীমের মাধ্যমে সমাপ্তি টানতে চাই- আল্লাহ রব্বুল আলামীন বলেনঃ اَجِيبْ دَعْوَةَ الدَّاعِ اِذَا دَعَانَ. অর্থাৎ যখনই আমার কোন বান্দা আমাকে ডাকে, আমি তখনি তার ডাকে সাড়া দেই। (সূরাঃ বাকারা, আয়াতঃ ১৮৬)। এখানে দোয়ার বা আল্লাহর কাছে কোন কিছু চাওয়ার নির্দিষ্ট সময়ের কথা বলা হয় নাই; বরঞ্চ সর্বদা তার নিকট দো'আ করা যেতে পারে বুঝা যাচ্ছে।

দো'আতে হাত উঠানো বোখারী শরীফ দ্বারা সাবিত (প্রমাণিত) হলো; এবং আয়াতে কারীমা দ্বারা দো'আর বৈধতাও প্রমাণ হলো। এখন তারা কোথায় যাবেন? কি করবেন? পক্ষান্তরে তারা নিজের ইচ্ছা মত হলেই কুরআন মান্য করেন এবং বুখারী শরীফও নিজেদের ইচ্ছা মত হলে মেনে নেন। তা না হলে কিছুই মান্য করে না।

কাজেই যা কুরআন সুন্নাহ দ্বারা প্রমাণিত ও যুগ যুগ ধরে চলে আসছে তার বিপরীতে কেউ কোন কথা বুঝাতে চাইলে অবশ্যই মনে করতে হবে এতে 'কিন্তু' রয়েছে। এদের উদ্দেশ্য মৌলিকভাবে ইসলাম প্রচার করা নয়; বরঞ্চ তাদের নিজস্ব মতবাদ প্রচার করাই তাদের লক্ষ্য।

সালাফী না খালাফী?

নবী করীম সাল্লাল্লাহু আলাইহি ওয়া সাল্লাম বলেছেন, আমার যুগ হলো শ্রেষ্ঠ যুগ, অতঃপর এর সাথে যুগ, তারপর তার সাথে যুগ। এ হাদীস শরীফ থেকে সিদ্ধান্তে উপনীত হওয়া যায় যে, নবী করীমের যুগ হলো সাহাবয়ে কেরামের যুগ, তার পরের যুগ হলো তাবেয়ীগণের যুগ, এর পরের যুগ হলো তাব'ই-তাবেয়ীগণের যুগ।

আমরা আরো জানি খায়রুল কুরূন বা শ্রেষ্ঠ যুগ আমাদের জন্য অনুকরণীয়। এই তিন যুগের লোকদেরকে একত্রে 'সালাফ' বা 'সাল্ফে' 'সালেহীন' বলা হয় এবং এর পরবর্তীগণকে 'খালাফ' (পরবর্তী) নামে অভিহিত করা হয়। সালাফের মধ্যে ৪ মাযহাবের ইমামগণও অন্তর্ভুক্ত রয়েছেন। সময়ের দিক থেকে তাঁরা অগ্রগামী বিধায় তাঁদেরকে মুতাক্বাদিমীন (পূর্বসূরী) বলা এবং এদের পরের লোকদের মুতাআখখিরীন (উত্তরসূরী) বলা হয়। যারা সালাফ বা সাল্ফে সালেহীনদের প্রকৃত অনুসারী তাদেরকেই 'সালাফী' বলা যেতে পারে।

তথাকথিত আহলে হাদীসগণ নিজেদেরকে সালাফী দাবী করেন; কিন্তু তারা তো সালাফ বা সাল্ফে সালেহীন তথা ৪ ইমামকে মানে না, বরং তারা মানে ইবনে তাইমিয়া, ইবনে কাইয়িম ও নাছীরুদ্দীন আলবানীকে, এদের কেউই সালাফ নয়, এরা হলো খালাফ (পরবর্তী যুগের)। সুতরাং এদের অনুসারী হলে 'সালাফী' হওয়া যাবে না; এদের প্রকৃত নাম হওয়া উচিত "খালাফী"। পক্ষান্তরে আমরা যারা ৪ মাযহাবের ইমামগণ তথা সাল্ফে সালেহীনদের অনুসারী তারাই প্রকৃত সালাফী নামে আখ্যায়িত হওয়ার যোগ্য।

আরো উল্লেখ্য থাকে যে, উক্ত লা-মাযহাবীদেরকে 'সালাফী' বলার যেমন কোন যর্থাততা নেই, তেমনি তারা যেহেতু 'খালাফ' বা পরবর্তীদের মধ্যে যাদের অনুসরণ করে তারাও ভ্রান্ত, সেহেতু তারাও তাদের অনুসারীরা হবে 'না-খালাফ' (অর্থব উত্তরসূরী)। আল্লাহ তা'আলা মুসলিম সমাজকে এসব গোমরাহ বা পথভ্রষ্টদের থেকে রক্ষা করুন। আ-মী-ন।

জাগরণ প্রকাশনী'র অনন্য পুস্তিকাসমূহ সমগ্র কল্পন, পড়ুন ও অন্যকে উৎসাহিত করুন-

- * আহলে সুন্নাত ওয়াল জামাতের পরিচয়
- * আহলে চুল্লত বনাম আহলে বিদআত
- * তাবলীগে হাসুল বনাম তাবলীগে ইলিয়াছি ?
- * কোরআন-সুন্নাহর দৃষ্টিতে হাযির ও নাযির
 - শেখ মুহাম্মদ আবদুল করিম সিরাজুলদারী
- * কোরআন প্রকাশিত ইসলামের মূলধারা ও বাতিল - ফিরকা
 - কাজী হইনুলক্বীন আশরাফি
- * মুনাযাতের দলিল - অল্লামা গাজী শেরে বাংলা (রহ.)
 - অনুবাদ : সৈয়দ হাছান হুসান কাযেদী
- * আহকামুল ইসতিহসান (হাদিছা গ্রহণ প্রসঙ্গ)
 - ফুল-ইয়াক্বিন হাফিজুল নব্ব্বানী (রহ.) অনুবাদ- সৈয়দ আবু নওসেব নইমী
- * বিষয় ভিত্তিক কোরআন ও হাদীস সংকলন
 - হাওলানা ইক্বাল হোসাইন আলকাদেরী
- * খোতবায়ে রজতীয়া (বাংলা ও উর্দু সংকলন)
- * হাদায়েকে বকশিশ (উর্দু নাট সংকলন)
 - আ'লা হযরত ইমাম আহমদ রেজা খান (রহ.)
- * ইসলামী সংগীত - কবি কাজী নজরুল ইসলাম
- * সুন্নীয়ত প্রতিষ্ঠায় নারীর দায়িত্ব
- * নির্বাচন ও আপনার জবাবদিহিতা
 - নোছবেব উম্বিন বখতিয়ার
- * ফাতিহা কি ও কেন? - অল্লামা আহমদুল কাদেরী (অবত)
 - অনুবাদ : হাওলানা মুহাম্মদ হোসাইন
- * নেতৃত্বের সহজ পদ্ধতি? - আবুল হোসাইন আল ক্বিন
- * সেনা সংগীত - বাংলাদেশ ইসলামী ছাত্রসেনা
- * মদিনার জলওয়া - সৈয়দ হাছান হুসান
- * অনুরাগ - মুহাম্মদ আবদুল আজিজ রজতী
- * হাসুল (দ.)'র অবমাননাকারীদের শরয়ী-সাজা
 - হাওলানা আবদুল অলিন রেজতী

সৈয়দ মুহাম্মদ আবু আজম'র রচনা ও সম্পাদনায় প্রকাশিত বইসমূহ

- * নবীর পথে জীবন গড়ি
- * অনুপম জীবন গঠনে ছোটদের করণীয়
- * সুন্নীয়তের পথে
- * কর্মীরা কেন নিষ্ক্রিয় হন?
- * ছোটদের তৈয়্যব শাহ (রাঃ)
- * সুন্নীদের বন্ধু কারা?
- * লাইলাতুল বরাত ও লাইলাতুল কুদর
- * দার্শনিক শৃঙ্খলা রক্ষণাবেক্ষণ পদ্ধতি
- * ইসলামী গজল সম্ভার
- * ইসলামী সংগীত ও সুন্নী আগরণ
- * গ্রাণ স্পন্দন (জনপ্রিয় ইসলামী গজল সংকলন)
- * মদিনার স্পৃহা (জনপ্রিয় ইসলামী গজল সংকলন)
- * সোনার খনি (জনপ্রিয় ইসলামী গজল সংকলন)
- * মদিনার ওজন (জনপ্রিয় ইসলামী গজল সংকলন)
- * হেরার জ্যোতি (জনপ্রিয় ইসলামী গজল সংকলন)
- * আলোকন (জনপ্রিয় ইসলামী গজল সংকলন)
- * উদ্দীপন (জনপ্রিয় ইসলামী গজল সংকলন)
- * যিকরে মোস্তফা (জনপ্রিয় উর্দু নাট সংকলন)
- * মদিনার কলতান (জনপ্রিয় উর্দু নাট সংকলন)
- * মদিনার ছন্দ (জনপ্রিয় উর্দু নাট সংকলন)
- * মাদানী গীত (জনপ্রিয় উর্দু নাট সংকলন)
- * নাস্তিক ব্রগার বনাম হেফাজত
- * তরুণ প্রজন্মকে বলছি

প্রকাশিতবা গ্রন্থসমূহ

- * নির্বাচিত বিষয়ভিত্তিক প্রবন্ধ সংকলন
- * গুলশানে শরীয়ত
- * ১০০ জন সুন্নী ব্যক্তিত্বের সাক্ষাতকার
- * ইদে মিলাদুন্নবী (দ.) এ্যালবাম

- * ইসলামী আন্দোলন দাওয়াত ও কর্মী সমগ্র পদ্ধতি
- * ছোটদের আ'লা হযরত (রহ.)
- * ছোটদের ইমাম শেরে বাংলা (রহ.)
- * স্বরচিত সংগীত সংকলন
- * যুগে যুগে নারীদের মর্যাদা, অধিকার ও করণীয়

** আহলে সুন্নাত ওয়াল জামাতের আক্বিদা ভিত্তিক যাবতীয় গ্রন্থাবলীর পাইকারী ও খুচরা পরিবেশক **

প্রকাশনায়

জাগরণ প্রকাশনী

১৫৫, আনজুমান মার্কেট, আন্দারকিছা, ঢাকা

মোবাইল : ০১৮১১১১১১১১



www.Facebook.com/Y.BICS

Www.Facebook.com/Hafezyusuf90

Www.Twitter.com/Aayqadri

Www.Instagram.com/Aayqadri

Www.Yqadri.tumblr.com

Www.Yqadri.blogspot.com

Www.Yqadri.WordPress.com